


刊 叢

醫 西 方 集 解

始	之	下	卷
收	消	除	瀉
瀦	導	痰	火
之	之	之	之
劑	劑	劑	劑

中武 9
151
5



門 武 9
第 151
卷 5

醫方集解卷下之一

休寧汪 昂 訥菴輯著

男汪 端其兩

弟汪 桓殿武訂

姪汪 惟寵子錫

全校



瀉火之劑

火者氣之不得其平者也五藏六府各得其平則榮衛冲和經脈調暢何火之有一失其常度則衝射搏擊而為火矣故丹溪曰氣有餘便是火也有本經自病者如忿怒生肝火勞倦生脾火之類是也有五行相尅者如心火太盛必尅肺金肝火太盛必尅脾土之類是也有藏府相移者如肝移熱于胆則口苦心移熱于小腸則淋瀝之類是也又有他經相移者有數經合病者相火起于肝腎虛火由于勞損實火生于尤害燥火本乎血虛濕火因于濕熱鬱火由于過抑又有無名之火無經絡可尋無脈證可辨致有暴病暴死者諸病之中火病為多不可以不加察也○有以瀉為瀉者太黃芒硝芩連芩柏之類是也有以散為瀉者羌防柴葛升陽散火之類是也

有以滋為瀉者地黃天冬玄參知母之類壯水之主以制陽光是也有以補為瀉者參耆甘草瀉火之聖藥是也

三焦實火

黃連解毒湯

相傳此方為太倉公火劑而雀氏治劉護軍又云其自製者

治一切火熱表

裏俱盛在躁煩心口燥咽乾大熱乾嘔錯語不眠吐血衄血

熱甚發斑

毒即火邪也邪入于陽則狂心為熱所擾則煩躁則煩之甚也口燥咽乾火盛津枯也乾嘔熱毒上逆也錯語熱昏其神也不眠陰未得復也傷寒吐血衄血者當汗不汗蘊熱逼血上行也發斑熱毒入胃也○雀尚書曰胃有燥糞令人錯語正熱盛亦令人錯語若秘而錯語者宜承氣湯通而錯語者宜黃連解毒湯

黃連 黃芩 黃柏 梔子 等分

此手足陽明手少陽藥也三焦積熱邪火矣行故用黃芩瀉

肺火于上焦黃連瀉脾火于中焦

王海藏曰黃連瀉心實瀉脾也子能令母實實則瀉

其子黃柏瀉腎火于下焦梔子通瀉三焦之火從膀胱出蓋陽

盛則陰衰火盛則水衰故用太苦太寒之藥抑陽而扶陰瀉

其亢甚之火而救其欲絕之水也然非實熱不可輕投

劉河間曰

傷寒表熱極甚身痛頭疼不可忍或眩或嘔裏有微熱不可發汗吐下擬以小柴胡天水涼膈之類和解恐不能退其熱勢之甚或大下後再三下後熱勢尚甚本氣損虛而脈不能實擬更下之恐脫而立死不下亦熱極而死或濕熱內餘小便赤澀大便唐泄煩併少而急痛者必欲作利也並宜黃連解毒湯

本方去梔子名柏皮湯治三焦實熱用粥丸名三補丸治三

焦有火熾燥喉乾二便閉結及濕痰夜熱

經曰壯火食氣少火生氣故少火宜

升壯火宜降今以黃芩瀉上黃連瀉中黃柏瀉下則本方去壯火降而少火升氣得生而血得養三焦皆受益矣

火

黃連解毒湯

芩連加甘草名梔子栝皮湯

仲景

治傷寒發黃身熱

發黃胃有痰熱宜下

乏發熱為熱未作實蓋寒濕之症難于得熱熱則勢外出而不內入矣故不必發汗利小便用梔子清肌表黃柏瀉膀胱以和解之按傷寒發黃有在太陽膀胱者與陽明痰熱在胃者不同故仲景亦有不可下當于寒濕中求之之說若痰熱在裏亦有用麻黃連翹赤小豆湯發汗利水之劑者方見傷寒論

大黃名三黃瀉心湯

金匱

治心下痞熱心氣不足吐血衄血大

黃用酒蒸晒九次蜜丸名三黃丸治三焦積熱頭項腫痛目

赤口瘡心膈煩躁大便秘結小便赤澀及消渴羸瘦

消渴羸瘦由于

火炎水乾或問心氣不足而吐衄何以不補心而反瀉心丹溪曰少陰不足尤陽無輔致陰血妄行故用大黃瀉其亢甚之火又心本不足肺肝各受火邪而病作故用黃芩救肺黃連救肝肺者陰之主肝者心之母血之舍也肺肝火退則血

少陰心也

傷寒痞滿

附子瀉心湯

仲景

治傷寒心下痞而復惡寒汗出者

傷寒心下滿鞭而痛

子金花丸去梔子加大黃名大金花丸治畧同

寢汗咬牙夢語驚悸吐衄淋秘勞嗽骨蒸本方加大黃名梔

三黃石膏湯

別見表裏門

本方水丸名三黃金花丸治中外諸熱

湯加川芎或甘草乾薑湯甚効

本方加石膏淡豉麻黃名

火

附子瀉心湯

〇三

者為結胸為實鞭滿而不痛者為痞為虛經曰心下痞按之濡關脈浮者大黃黃連瀉心湯心下痞而復惡寒汗出者附子瀉心湯太抵諸痞皆熱故攻之多寒劑此加附子恐三黃重損其陽非補虛也或下後復汗或下後陽虛故惡寒汗出○諸瀉心湯皆治傷寒痞滿滿在心胸不在胃也若雜病痞滿有寒熱虛實之不同保命集云脾不能行氣于四藏結而不散則為痞傷寒之痞從外之內故宜苦泄雜病之痞從內之外故宜辛散

大黃二兩 黃連 黃芩 附子 一枚炮去皮 破別煮取汁

此足太陽手少陰藥也吳鶴臯曰心下痞故用三黃以瀉痞惡寒汗出故用附子以回陽非三黃不能去痞熱無附子恐三黃益損其陽寒熱並用斯為有制之兵矣喻嘉言曰此邪熱既盛真陽復虛之症故于三黃湯內加附子汁共成傾痞之功金匱有大黃附子湯亦同此意大黃細辛各二兩附子一枚炮治脇下

偏痛發熱脈弦緊此寒也以溫藥下之陽中有陰當以溫藥下其寒後人罕識其指○有用寒藥而治熱痞大黃黃連之類也有陰盛陽虛而痞用辛熱多而寒藥少者半夏生薑甘草瀉心之類也經又曰傷寒大下後復發汗心下痞惡寒者表未解也當先解表乃可攻痞解表桂枝湯攻裏大黃黃連瀉心湯經又曰本以下之故心下痞與瀉心湯痞不解口渴而煩躁小便不利者五苓散主之此有停飲故也○李東垣曰酒積雜病下之太過亦作痞傷蓋下多必陰陰者脾胃水穀之陰也胸中之氣因虛下陷于心之分野故致心下痞宜升胃氣以血藥兼之若全用氣藥導之則痞益甚甚而復下之氣愈下降必變為中滿膨脹非其治也按脾無積血心下不痞故須兼血藥

本方去附子名三黃瀉心湯見前再去黃芩名大黃黃連瀉心

湯仲景治傷寒心下痞按之濡音軟關上脈浮沉為實熱浮為虛熱經曰按之自濡

但氣痞耳周揚俊曰以非痰飲結聚故無取半夏生薑也活人云結胸與痞關脈須皆沉若關脈浮而結者三黃以瀉肝李時珍曰仲景治心氣不足吐衄血者用瀉心湯實瀉心包肝脾胃四經血中之伏火也又治心下痞滿按之軟者用瀉心湯亦瀉脾胃之濕熱非瀉心也病發于陰而反下之則痞滿乃寒傷營血邪結上焦胃之上脘在心故曰瀉心經曰太陰所至為痞滿又曰濁氣在上則生臌脹是已病發于陽而反下之則結胸乃邪熱陷入血分亦在上脘故大陷胸湯丸皆用大黃亦瀉脾胃血分之邪而散其熱也若結胸在氣分只用小陷胸湯痞滿在氣分只用半夏瀉心湯按發陰發陽諸解不同終成疑案李氏則以寒傷為陰病熱陷為陽病然仲景所用皆寒藥未嘗有所分也周揚俊則謂總屬下早致熱似為近理

傷寒虛痞

半夏瀉心湯

仲景

治傷寒下之早胸滿而不痛者為痞身寒而

嘔飲食不下非柴胡症

經曰傷寒五六日嘔而發熱柴胡症具而以他藥下之柴胡症仍在者復

與柴胡湯此雖已下之不為逆必蒸蒸而振却發熱汗出而解若心下滿而鞭痛者此為結胸也大陷胸湯主之若滿而不痛者此為痞柴胡不中與也宜半夏瀉心湯凡用瀉心者皆屬誤下之症非傳經熱邪也

半夏半斤 黃連一斤 黃芩一斤 甘草炙 人參二兩 乾薑三兩 大棗十二枚

此手少陰足太陰藥也成氏曰否而不泰為痞苦先入心瀉心者必以苦故以黃連為君黃芩為臣以降陽而升陰也辛走氣散痞者必以辛故以半夏乾薑為佐以分陰而行陽也欲通上下交陰陽者必和其中故以人參甘草大棗為使以補脾而和中也已下之後則痞熱消而大汗以解矣舊註云此方藥味益本理中人參黃芩湯方王海藏曰外症全是下症而脈反細不可下者瀉心湯主之脈有力者黃連瀉心湯脈無力者半

夏瀉心湯喻嘉言曰諸瀉心湯原以滌飲此症因嘔故推半
 夏為君程郊倩曰痞雖虛邪然表氣入裏佛鬱于心陽之分
 寒亦成熟矣寒已成熱則不能外出而熱非實穢又不能下
 行唯用苦寒從其部而瀉之仍慮下焦之陰邪上入兼辛熱
 以溫之陰陽兩解不攻痞而痞自散所以寒熱互用若陰痞
 不開陽鬱即鬱而未成熱祇是上下陰陽部分拒格而成瀉
 心之法槩不可用也又曰人皆曰汗多陰陽不知下多亦心
 陽以心陰中之陽故曰心陰耳下焦之陽驟虛氣必上逆則
 上焦之陽反因下而成實以火氣不下行故也治多瀉上補
 心君得苦寒而安則反能從陽引之入陰故芩連芩子瀉
 亦成補若汗下相因有虛無實溫
 補猶恐不足前法一無所用矣

本方除人參再加甘草

一兩合前四兩

名甘草瀉心湯中治傷寒中

風醫反下之其痞益甚此非結熱但以胃虛客氣上逆故使
 煩醫復下之其痞益甚此非結熱但以胃虛客氣上逆故使

鞭也

為下後裏虛胃弱內損陰氣故加甘草以和中益胃復

真陰退虛熱大要痞滿下利者為虛使閉者為實按甘
 草甘令人滿故中滿症忌之而別錄甄權並云甘草能除滿
 以脾健運則滿除也觀仲景用以消痞豈非取其散滿哉又
 按此乃傷寒之下利腸鳴也雜症腸鳴亦多屬脾胃虛經云
 脾胃虛則腸鳴腹滿又云中氣不足腸為之苦鳴宜參朮補
 劑加甘草芩連枳實乾薑等丹溪又曰腹中水鳴乃火激動
 其水也宜二陳湯加芩連芩子李梴曰自利舊分陰症陽症
 又分協熱協寒而治法相同陽症下利亦必裏虛而表熱乘
 之雖太陽初症下利亦然與表邪傳裏協熱下利無異至于
 陰即協寒其症尤顯所以云陽症下利誤溫
 則發黃出斑而死此等支離處尤當詳辨

兩名生薑瀉心湯

仲景

治汗解後胃中不和心下痞鞭乾噫

同

食臭完穀不化脇下有水氣腹中雷鳴下利

客氣上逆伏飲搏膈故痞鞭中

氣不和故乾噫胃虛火盛邪熱不殺穀故完穀不化脇下有
 水氣土弱不能制水故腹中雷鳴下利謂之協熱利為汗後

胃虛外損陽氣故加生薑以散邪滌飲益胃復陽劉河間曰瀉而水穀變色者為熱不變色而澄徹清冷者為寒若肛門燥澹小便黃赤水穀雖不變猶為熱也此由火性本方除黃急速食下即出無容剋化所謂邪熱不殺穀也

芩大棗加枳實厚朴麥芽白朮茯苓蒸餅糊丸名枳實消痞

丸東垣別見

肺胃熱

白虎湯仲景

治傷寒脈浮滑表有熱裏有寒

浮為在表滑為在裏裏寒指傷寒即

病熱之本因也及三陽合病脈浮大腹滿身重難以轉側口不仁而

面垢讞語遺尿發汗則讞語下之則頭上生汗手足逆冷自

汗出者腹滿身重口不仁讞語陽明症也面垢少陽症也遺尿太陰症也三症之中陽明為多屬表裏有邪發表

則燥熱益甚故讞語攻裏則陰氣下竭而虛陽上脫必額汗出而手足逆冷若自汗出者三陽熱甚也與此湯以解內外

之通治陽明病脈洪大而長不惡寒反惡熱頭痛自汗口渴

舌胎目痛鼻乾不得臥心煩躁亂日晡潮熱或陽毒發斑胃

熱諸病邪熱盛故脈洪大熱在表而淺邪惡止故惡寒熱入裏而深邪甚無畏故不惡寒反惡熱中風有汗傷寒

無汗傳入陽明則有汗謂之熱越故陽明病法多汗裏熱故

作渴陽明主肌肉故肌熱脈交頰中故目痛脈俠鼻金燥故

鼻乾胃不和故臥不安人之陽氣晝日行陽二十五度平旦屬少陽日中屬太陽日晡屬陽明傷寒症中日晡潮熱為胃實無虛症胃熱失下則發斑

石膏一斤知母六兩甘草二兩粳米六兩先煮石膏數十沸再

投藥米米熟湯成溫服

此足陽明手太陰藥也熱淫于內以苦發之故以知母苦寒

為君熱則傷氣必以甘寒為助故以石膏為臣

石膏滑石味皆甘寒凡藥

帶甘者皆瀉中有補津液內燥故以甘草粳米甘平益氣緩之為使不

致傷胃也又煩出于肺躁出于腎石膏清肺而瀉胃火知母

清肺而瀉腎火甘草和中而瀉心脾之火或瀉其子肺或瀉

其母心不啻治陽明氣分熱也石膏甘草不但清裏兼能發

虛身熱脾虛發熱及陰盛格陽面赤煩躁類白虎湯症候救

乏不可救也按白虎症脈洪大有力類白虎症脈大而虛以

此為辨又按陰盛格陽陽盛格陰二症至為難辨蓋陰盛極

而格陽于外外熱而內寒陽盛極而格陰于外外冷而內熱

經所謂重陰必陽重陽必陰重寒則熱重熱則寒是也當

小便分之便清者外雖燥熱而中必寒便赤者外雖厥冷而

內實熱再看口中燥潤及舌胎淺深益舌為心苗應南方火

邪在表則未生胎邪入裏津液搏結則生胎而滑胎白者丹

田有熱胸中有寒邪在半表半裏也熱入漸深則燥而澀熱

聚于胃則黃宜承氣及白虎若熱病口乾舌黑乃腎水刑于

心火熱益深而病篤矣然亦有胎黑屬寒者舌無芒刺口有

津液也又當用溫補之劑尤宜細辨李東垣曰邪在陽明肺

受火剋故用辛寒以清肺所以有白虎之名白虎西方金神

也吳鶴臯曰如秋金之令行則夏火之炎退成氏曰立秋後

不可服為大寒之劑易老曰有是病則投是藥苟拘于時何

以措手若以白虎為大寒承氣又何以行于冬令乎太陽發

熱無汗而渴忌白虎表未解也陽明

汗多而渴忌五苓猪苓津液大耗也

本方加人參三兩名人參白虎湯仲治傷寒渴欲飲水無表

症者

白虎解熱人參生津凡身發熱為熱在表渴欲飲水為

熱在裏身熱飲水表裏俱有熱身涼不渴表裏俱無熱

欲飲水者不可不與不可過與恣飲則有水結

胸心下悸喘咳噎壅腫脹癰秘下利諸變症

亦治傷寒無

大熱口渴燥渴心煩背微惡寒者

背為陽背惡寒口中和者少陰病也宜附子湯今熱未退

而微惡寒為表未全罷尚屬太陽然燥渴心煩為裏熱已熾與白虎湯解表邪清裏熱加人參補氣生津○太陽病在表故惡寒少陽在半表半裏亦微惡寒陽明在裏故不惡寒反惡熱間有惡寒者與太陽合病也許叔微曰仲景云傷寒吐下後七八日不解表裏俱熱大渴燥煩者白虎加人參湯主之又云脈浮滑此表有熱裏有寒白虎加人參湯主之又云傷寒脈浮發熱無汗其表不解不可與白虎林億校正謂于此表裏差矣予謂不然大抵白虎能除傷寒中渴表裏發熱前後二症或云表裏俱熱或云表熱裏寒皆可服之一種發熱無汗其表不解是麻黃與葛根症安可行白虎也亦治太陽中暍音謂暑也身熱汗出惡寒足冷脈微而渴為在表足冷脈微又不可表亦治火傷肺胃傳為膈消喻嘉言曰肺消以地黃丸治其血分腎消以白虎湯治其氣分病不能除醫之罪也本方加蒼朮名白虎加蒼朮湯治濕溫脈沈細者沈細屬濕先受暑後受濕暑濕相搏名濕溫其症脛冷腹滿頭痛身痛多汗渴而譫語李東垣曰動而傷

暑火熱傷氣辛苦之人多得之宜人參白虎湯靜而傷暑濕勝身重安樂之人多得之宜白虎蒼朮湯本方加桂枝名桂枝白虎湯金匱治溫瘡但熱無寒骨節疼痛時嘔本方加柴胡黃芩半夏名柴胡石膏湯治暑嗽喘渴本方除粳米加人參名化斑湯治胃熱發斑脈虛者

肺胃虛熱

竹葉石膏湯仲景

治傷寒解後虛羸少氣氣逆欲吐

亦治傷暑發渴脈虛

傷寒解後餘熱未盡

津液不足故虛羸少氣虛熱上逆故欲吐
 竹葉二斤 石膏一斤 人參三兩 甘草炙二兩 麥冬一斤 半夏半升 粳米半升

加薑煎

此手太陰足陽明藥也竹葉石膏之辛寒以散餘熱竹葉能止喘促

氣逆上衝人參甘草麥冬粳米之甘平以益肺安胃補虛生津牛
夏之辛溫以豁痰止嘔故去熱而不損其真導逆而能益其
氣也

又方竹葉石膏木通薄荷桔梗甘草亦名竹葉石膏湯治胃

實火盛而作渴

李士材曰陽明外實則用柴葛以解肌陽明內實則用承氣以攻下此云胃實非有停滯

但陽燄勝耳火旺則金囚故以竹葉瀉火以桔梗救金薄荷

升火于上木通泄火于下甘草石膏直入戊土而清其中三
焦火平則炎蒸
退而津液生矣

升陽散火湯

東垣

治肌熱表熱四肢發熱骨髓中熱熱如火燎

捫之烙手此病多因血虛得之及胃虛過食冷物抑遏陽氣

外實經也內實府也戊土胃也

火鬱

至陰脾也

于脾土並宜服此

脾主四肢四肢熱即五心煩熱也火性上行若鬱而不達則反以銷燦真陰而肌膚筋骨皆為之熱也若飲食填塞至陰則清陽不得上行故不能傳化也經曰火鬱發之

柴胡

八錢五分

葛根

升麻

羌活

獨活

人參

白

芍

五錢炙甘草

生甘草

二錢

每服五錢加薑棗煎

此手足少陽藥也柴胡以發少陽之火為君升葛以發陽明
之火羌防以發太陽之火獨活以發少陰之火為臣此皆味
薄氣輕上行之藥所以升舉其陽使三焦暢遂而火邪皆散
矣人參甘草益脾土而瀉熱芍藥瀉脾火而斂陰且酸斂甘
緩散中有收不致有損陰氣為佐使也

吳鶴臯曰經曰少火生氣天非此火不能

降逆為也

生物人非此火不能有生揚之則光過之則滅今為飲食抑
遏則生道幾乎息矣使清陽出上竅則濁陰自歸下竅而飲
食傳化無抑遏之患矣東垣聖于脾胃治之必主升陽俗醫
知降而不知升是撲其少火也安望其衛生耶又曰古人用
辛散者必用酸收故桂枝湯中
亦用芍藥猶兵家之節制也

本方除人參獨活加葱白名火鬱湯治同

火鬱者內熱外寒脈沈而數火鬱無

酸故外寒沈為在裏沈而數知為內熱也

陶節菴升陽散火湯人參白朮茯神甘草陳皮麥冬當歸芍

藥柴胡黃芩加薑棗金器煎治傷寒又手冒心尋衣摸床謔

語昏沉不省人事

節菴曰俗醫不識誤認風症不知此乃肝熱乘肺元氣虛衰不能主持名撮空症小

便利者可治有痰加薑炒半夏大便燥實謔語發渴加大黃
泄瀉加白朮升麻○陽虛故又手自冒其心熱昏其神故尋

膈熱

衣摸床小便利則肺氣猶降膀胱猶能化氣而腎水未枯故可治昂按此病非升散之症方中僅柴胡一味難盡升散之名而節菴以此名方何歟

涼膈散

局方

治心火上盛中焦燥實煩燥口渴目赤頭眩口瘡

唇裂吐血衄血大小便秘諸風癩癧胃熱發斑發狂及小兒

驚急痘瘡黑陷上症皆上中二焦之火為之患也

連翹四兩 大黃酒浸 芒硝

甘草二兩 梔子炒 黃芩酒炒 薄荷一兩 為

朱每服三錢加竹葉生蜜煎葉生竹上故治上焦

此上中二焦瀉火藥也熱淫于內治以鹹寒佐以苦甘故以

連翹黃芩竹葉薄荷升散于上而以大黃芒硝之猛利推瀉

桔梗為藥中舟楫

肝胆火

其中使上升下行而膈自清矣用甘草生蜜者病在膈甘以緩之也李東垣曰易老法減大黃苡朮加桔梗竹葉治胸膈身之表乃至高之分故用舟楫之劑浮而上之以去胸腹六經之熱也重症用前方輕者用此方喻嘉言曰按中風症大勢風木合君相二火主病古方用涼膈散居多如轉舌膏用涼膈散加菖蒲遠志活命金丹用涼膈散加青黛藍根益風火上炎胸膈正燎原之地所以清心寧神轉舌活命涼膈之功居多不可以宣通腸胃輕嘗之也按轉舌膏散心經之蘊熱活命丹散肝經之鬱火也潘思敬曰仲景調胃承氣湯後人一變加連翹梔子黃芩薄荷謂之涼膈散至河間又變加川芎歸芍白朮防風荊芥麻黃桔梗石膏膏滑石謂之防風通聖散古之複方也

當歸龍薈丸

宜明

治一切肝胆之火神志不寧驚悸搖擗躁擾

狂越頭運目眩耳鳴耳聾胸膈痞塞咽嗑不利腸胃燥滯兩

脇痛引少腹肝移熱于肺而咳嗽

肝屬風木主筋主怒主驚故搖擗驚狂皆屬肝火目

為肝竅胆脈絡于耳一經火盛故目眩耳聾心脈俠咽歷膈腎脈貫膈循喉嚨水衰火盛故膈咽不利兩脇少腹皆肝胆經所循故相引而痛五藏六府皆有欬然必傳以與肺肝之移邪則為肝欬亦治盜汗盜汗屬熱此與當歸六黃湯同意

當歸酒洗 龍胆草酒洗 梔子炒黑 黃連炒 黃柏炒 黃芩炒一兩 大黃酒浸

青黛水飛 蘆薈五錢 木香二錢 麝香五分 蜜丸薑湯下

此足厥陰手足少陽藥也肝木為生火之本肝火盛則諸經之火相因而起為病不止一端矣故以龍胆青黛直入本經而折之而以大黃芩連厄柏通平上下三焦之火也黃芩瀉肺火黃

肝胆火

連瀉心火黃柏瀉腎火大黃瀘蒼大苦大寒氣臊入肝能引瀉脾胃火厄子瀉三焦火諸藥同入厥陰先平其甚者而諸經之火無不漸平矣諸藥若寒已甚當歸辛溫能入厥陰和血而補陰故以為君少加木香麝香者取其行氣通竅也然非實火不可輕投

龍胆瀉肝湯

治肝胆經實火濕熱脇痛耳聾胆溢口苦筋

痿陰汗陰腫陰痛白濁溲血脇者肝胆之部也火盛故作痛胆脉絡于耳故聾肝者將軍之官也謀慮出焉胆者中正之官也決斷出焉胆虛數謀慮而不能決胆氣上溢故口為之苦肝主筋濕熱勝故筋痿肝脉絡于陰器故或汗或腫或痛白濁溲血皆肝火也

龍胆草酒炒黃芩炒梔子酒炒澤瀉木通車前子當歸

酒洗生地黄酒炒柴胡甘草生用

此足厥陰少陽藥也龍胆瀉厥陰之熱肝柴胡平少陽之熱

脾黃芩厄子清肺與三焦之熱以佐之澤瀉瀉腎經之濕木

通車前瀉小腸膀胱之濕以佐之然皆苦寒下泄之藥故用

歸地以養血而補肝用甘草以緩中而不使傷胃為臣使也

東垣無黃芩厄子甘草亦名龍胆瀉肝湯治前陰熱癢燥臭

此因飲酒風濕熱合于下焦為邪厥陰肝脉絡于陰器柴胡入肝為引澤瀉車前木通利小便亦除臊氣所謂在下者因而竭之生地龍胆苦寒以瀉濕熱一方除當歸生地木通澤

瀉車前加入參五味天冬麥冬黃連知母亦名龍胆瀉肝湯

肝火

治筋痿攣急口苦爪枯亦治前症加入參者扶土所以抑木用二冬五味者清金亦以平木潤燥所以養筋用黃連知母者上以瀉心火下以瀉腎火一為肝子一為肝母也

左金丸又名茱

治肝火燥盛左脇作痛吞酸吐酸筋疝痞結

肝火盛則脇痛吞酸吐酸亦由肝火上于肺胃從木之化故酸厥陰之脈絡陰器寒濕于之則成筋疝肝木過盛剋制脾土則成痞結亦治噤口痢湯藥入口即吐本方加糯米一撮濃煎但得三匙下咽即不復吐矣

黃連六兩薑汁炒 吳茱萸一兩鹽水泡 水丸

此足厥陰藥也肝實則作痛心者肝之子實則瀉其子故用黃連瀉心清火為君使火不剋金金能制木則肝平矣吳茱

辛熱能入厥陰肝行氣解鬱又能引熱下行故以為反佐

寒一熱寒者正治熱者從治以熱治熱從其性而治之亦曰反治故能相濟以

左功也肝居于左肺處于右左金者謂使金令得行于左而

平肝也李東垣曰病機曰諸嘔吐酸皆屬于熱此上焦受外來客邪也以雜病論之嘔吐酸水者甚則酸水浸其

心次令牙酸不能相對以大辛熱劑療之必減若以病機作熱攻之誤矣或問吞酸素問以為熱東垣以為寒何也丹溪曰吐酸與吞酸不同吐酸吐出酸水如醋平時津液隨上升之氣鬱而成積濕中生熱故隨木化遂作酸味非熱而何其有鬱之久伏于腸胃之間略不得上嚥不得下肌表得風寒則內熱愈鬱而酸味刺心肌表溫煖腠理開發或得香熱湯丸津液得行亦可暫解非寒而何素問言熱言其本也東垣言寒言其末也予嘗治吞酸用黃連茱萸製炒隨時令送為佐使蒼朮茯苓為輔湯浸蒸餅為丸吞之仍教糲食蔬菜自養則病易安○戴氏曰房勞腎虛之人胸膈多有隱痛此腎

丹溪之論亦未暢盡總之此症有熱有寒不可執一

虛不能納氣氣虛不能生血之故氣與血猶水也盛則流暢
虛則鮮有不滯者所以作痛宜破故紙之類補腎芎歸之類
補血若作尋常
脇痛治則殆矣

本方加炒芩蒼朮陳皮亦名茱連丸治同本方加芍藥等分

為丸名戊己丸治熱痢熱瀉熱瀉者糞黃肛瀉也戊為胃土
己為脾土加芍藥伐肝瀉木使

不冠本方除吳茱萸加附子一兩名連附六一湯治胃皖痛

寒因熱用也本方用黃連一味吳茱萸湯浸一宿為丸名抑

青丸大瀉肝火治左脇作痛單黃連煎服名瀉心湯治心熱

瀉青丸錢治肝火鬱熱不能安臥多驚多怒筋痿不起目赤

腫痛肝屬風木木盛生火故發熱多甚于寅卯木旺之時按
之在肉之下骨之上為肝熱肝胆之經行于兩脇風火

肝火

于之故臥不安肝在志為怒故多怒肝虛胆怯故多驚
肝主筋逢熱則縱故痿目為肝竅風熱發于目故腫痛

龍胆草 山巵炒 大黃酒 川芎 當歸酒 羌活 防風 等

分蜜丸竹葉湯下

此足厥陰少陽藥也肝者將軍之官風淫火熾不易平也龍
胆大黃苦寒味厚沉陰下行直入厥陰而散瀉之所以抑其
怒而折之使下也羌活氣雄防風善散並能搜肝風而散肝
火所以從其性而升之于上也少陽火鬱多煩躁巵子能散
三焦鬱火而使邪熱從小便下行少陽火實多頭痛目赤川
芎能上行頭目而逐風邪且川芎當歸皆血分之藥能養肝

血而潤肝燥血虛故肝燥肝燥故多怒多驚又皆血中氣藥辛能散而溫能

和兼以培之也一瀉一散一補同為平肝之劑故曰瀉青五

藏之中惟肝嘗有餘散之即所以補之以木喜條達故也然

必壯實之人方可施用俞子容曰時醫多執肝常有餘之說舉手便云平肝按聖濟經云原四時

之所化始于木究十二經之所養始于春女子受娠一月是厥陰肝經養之肝者乃春陽發動之始萬物生化之源故戒

悉養陽使先天之氣相生于無窮是攝生之切要也不可泥于前說昂按此說本之內經六節藏象論曰所謂得五行時

之勝各以氣命其藏求其勝也皆歸始春蓋春屬肝木乃吾身升生之氣此氣若有不充則四藏何所稟承如春無所生

則夏長秋收冬藏者何物乎五行之中惟木有發榮暢茂之象水火金土皆無是也花葉蒨蔥豔麗而可愛結菓成實食

之以全生皆此木也使天地而無木則世界黯淡其無色矣由是言之培之養之猶恐不暇而尚欲剪之伐之乎故養血

和肝使火不上炎則心氣和平而百骸皆理不特養身之要

道亦養德之切勢也昂又按世醫多云肝有瀉無補不知六

味地黃丸七寶美髯丹等劑皆補肝之藥也人特習而不察

耳外臺秘要曰五行五藏皆互相生肝雖處中而為藏首位

在甲乙懷養懷仁故應春而王也為心之母餘藏循次而生

焉心為王主神四藏為四鄙四鄙有憂王必懷憂四鄙和平

則王有悅悅則榮衛不錯憂則經絡患生心不受邪所病者

惟憂樂能致也肺為風府呼吸之門諸藏紊亂氣息皆形誰

能出不由戶耳若風熱盛心憂則頭痛過憂則心煩寒盛必

熱熱盛必寒倚伏之道也但平風熱抑狂邪而管衛自然通

瀉黃散 治脾胃伏火口燥唇乾口瘡口臭煩渴易饑熱在肌

肉口為脾竅唇者脾之外候口燥唇乾口瘡口臭皆屬脾火脾熱故煩渴易飢病名中治脾主肌肉故熱在肉分輕按

重按皆不熱不輕不重乃得之過夜尤甚者為脾熱實熱宜此湯及調胃承氣虛熱宜補中益氣湯○按面上熱身熱

脾火

一身盡熱，狂而妄言，妄見，皆足陽明。肩背熱及足外廉，胫腓後熱，皆足太陽。口熱舌乾，中熱而喘，足下熱而痛，皆足少陰。肩上熱，項似拔耳前熱，若寒皆手太陽。身熱，膚痛，手少陰。酒浙寒熱，手太陰。掌中熱，手太陰。少陰厥陰熱而筋縱不收，陰痿足陽明。厥陰又曰胃居臍上，胃熱則臍以上熱。腸居臍下，腸熱則臍以下熱。肝居脇，肝熱則脇亦熱。肺居胸背，肺熱則胸背亦熱。腎居腰腎熱則腰亦熱，可類推也。

防風四兩 藿香七錢 山巵炒黑一兩 石膏五錢 甘草二兩 右末微炒香蜜酒調服

此足太陰陽明藥也。山巵清心肺之火，使屈曲下行從小便出。藿香理脾肺之氣，去上焦壅熱，辟惡調中。石膏大寒瀉熱，兼能解肌。甘草甘平和中，又能瀉火。重用防風者，取其升浮

能發脾中伏火，又能于土中瀉木也。木盛剋土，防風能散肝火，吳鶴皋曰，或問脾中

伏火何以不用黃連，余曰：燥矣。又問既惡燥，何以用防風，余曰：東垣有言，防風乃風藥中潤劑也。李東垣曰：瀉黃散非瀉脾也，脾中瀉肺也，實則瀉其子以脾為生肺之上源，故用石膏巵子之類。

錢乙瀉黃散白芷防風升麻枳殼黃芩各錢半 石斛一錢二分 半夏

錢乙甘草七分 治同前症或唇口皸潤燥裂脾之華在唇，潤動也，風也，皸裂火也。白芷升麻皆陽明藥，防風祛風而散脾火，燥在唇口，故從其性而升發之也。黃芩瀉中上之熱，枳殼利中上之氣，半夏能燥能潤，發表開鬱，石解清脾平胃退熱補虛。甘草和脾兼能泄火亦火鬱發之之義也。○治口病諸藥，脾熱則口甘，生地芍藥黃連瀉火神麴萊菔消食鬱肝熱則口酸，黃連龍胆瀉肝心熱則口苦，柴胡龍胆黃芩黃連瀉火肺熱則口辛，黃芩巵子瀉肺芍藥瀉脾麥冬清心腎熱則口鹹，知母烏鰂骨淡胃胃熱則口淡，茯苓白朮半夏生薑燥脾勝濕，口澁黃芩瀉火葛

根生津防風薄荷疎
風瓜蒌茯苓行痰

胃火牙痛

清胃散

東垣

治胃有積熱上下牙痛牽引頭腦滿面發熱其牙

喜寒惡熱或牙齦潰爛或牙宣出血或唇口頰腮腫痛

面寒者為陽明經氣不足

脈循鼻外入上齒中俠口環唇循頰車上耳前主上牙齦喜寒飲而惡熱手陽明大腸脈上頸貫頰入下齒俠口主下牙齦喜熱飲而惡寒足陽明別絡腦故腦痛陽明之脈營于面故面熱二經熱盛故唇口齒頰病而腫痛也齒為骨屬腎牙宣牙齦出血或齒縫出血也亦名齒衄乃腎病若血多而湧出不止為陽明熱盛以陽明多氣多血也唇屬脾胃大腸經燥則乾熱則裂風則潤寒則揭若腫皴裂如蚕繭名曰蠲唇唇舌者肌肉之本也人中平滿者為唇反唇反者肉先死

生地黄 牡丹皮 黃連 當歸 升麻 一方加石膏

此足陽明藥也黃連瀉心火亦瀉脾火脾為心子而與胃相

表裏者也當歸和血生地丹皮涼血以養陰而退陽也石膏

瀉陽明之大熱升麻升陽明之清陽清升熱降則腫消而痛

止矣薛新甫曰濕熱盛而牙痛者承氣湯輕者清胃散大腸熱而齦腫痛者清胃散甚者調胃湯六鬱而痛者越鞠

丸中氣虛而痛者補中益氣湯思慮傷脾而痛者歸脾湯腎經虛熱而痛者六味丸腎經虛寒而痛者還少丹重則八味丸其屬風熱者獨活散茵陳散風寒入腦者羌活附子湯當臨時制宜附獨活散獨活羌活川芎防風各五錢細辛荊芥薄荷生地各二錢每服三錢

甘露飲 治胃中濕熱口臭喉瘡齒齦宜露及吐衄齒血

胃中濕熱

竅在口其脈上齒俠鼻濕熱內盛故口臭口瘡陽熱佛鬱胃中越出于口鼻故吐血衄血齒屬少陰腎齦屬陽明胃二經有熱則齒齦齒縫出血名齒衄或牙齦祖脫齒根宜露也

清胃散 甘露飲

生地黄 熟地黄 天冬 麥冬 石斛 茵陳 黃芩

枳殼 枇杷葉 甘草 等分每服五錢一方加桂苓名桂

苓甘露飲本事方加犀角云如此甚有道理犀角涼心瀉肝清胃中木熱

此足陽明少陰藥也煩熱多屬于虛二地二冬甘草石斛之

甘治腎胃之虛熱瀉而兼補也茵陳黃芩之苦寒折熱而去

濕火熱上行為患故又以枳殼枇杷葉抑而降之也

河間桂苓甘露飲滑石四兩石膏寒水石甘草各二兩白朮茯苓

澤瀉各一兩猪苓肉桂各五錢每服五錢治中暑受濕引飲過多

頭痛煩渴濕熱便秘此亦五苓六一之合劑也以清六府之熱張子和去猪苓減

肺火

三石一半加人參乾葛各一兩藿香五錢木香一分每服三錢亦名

桂苓甘露飲治伏暑煩渴脉虛水逆渴欲飲水水入即吐名水逆

瀉白散錢乙治肺火皮膚蒸熱洒淅寒熱日晡尤甚喘嗽氣急

皮膚蒸熱肺主皮毛也洒淅寒熱邪在膚腠也日晡尤甚金旺于酉也肺苦氣上逆故咳嗽喘急輕按即得重按全無是熱在皮毛日西尤甚為肺熱

桑白皮 地骨皮一錢甘草五分粳米百粒 易老加黃連

此手太陰藥也桑白皮甘益元氣之不足辛瀉肺氣之有餘

除痰止咳性善行水瀉火故能除痰除則嗽止地骨皮寒瀉肺中之伏火淡

泄肝腎之虛熱涼血退蒸肝木盛能生火火盛則剋金腎為肺子實則瀉其子甘草瀉

火而益脾，粳米清肺而補胃。土為金，母虛則補其母。並能瀉熱從小便。

出肺主西方，故曰瀉白。李時珍曰：此瀉肺諸方之準繩也。瀉白散瀉肺經氣分之火，黃芩一物

湯丹溪清金丸瀉肺經血分之火，清金丸即黃芩炒為末水丸。

本方加入參、五味、茯苓、青皮、陳皮，名加減瀉白散。東垣治咳嗽

喘急嘔吐，本方加知母、黃芩、桔梗、青皮、陳皮，亦名加減瀉白

散。寶鑑治咳而氣喘煩熱、口渴、胸膈不利，本方除甘草、粳米，加

黃芩、知母、麥冬、五味、桔梗，亦名加減瀉白散。羅謙甫治過飲傷

肺氣出腥臭、唾涕稠粘、嗌不利、口苦乾燥。原文云：桑皮地

肺中伏火而補氣為君，黃芩、知母、苦寒治氣出腥臭，清肺利氣為臣，五味、酸溫以收肺氣，麥冬、苦寒治唾涕稠粘，口苦乾

燥為佐，桔梗辛溫輕浮，治痰逆利咽膈為使也。

心小腸火

導赤散

治小腸有火，便赤、淋痛、面赤、狂躁、口糜、舌瘡、咬牙

口渴。心與小腸相表裏，心熱則小腸亦熱，故便赤、淋痛、心屬

君火是五藏六府火之主，故諸經之熱皆應于心，面赤煩躁、咬牙、口渴，皆心熱也。舌為心苗，若心火上炎，薰蒸于口，

則口糜舌瘡。輕手按至皮毛之下，肌肉之上，則熱日中大甚，是熱在血脈為心熱。朱丹溪曰：五藏各有火，五志激之，其

火隨起。若諸寒病必身犯寒氣，口食寒物，非若諸火病自內

生地黃 木通 甘草梢 淡竹葉 等分煎

此手少陰太陽藥也。生地涼心血，竹葉清心氣。葉生竹上，故清上焦

通降心火入小腸。君火宜木通相火宜澤瀉行水，雖同所用各別，君心火也，相腎火也。草梢達

心火淋濁

蓮子清心飲

治憂思抑鬱發熱煩躁或酒色過度火盛尅

金口苦咽乾漸成消渴遺精淋濁遇勞即發四肢倦怠五心煩熱夜靜晝甚及女人崩帶煩躁遺精淋濁者心虛而有熱也心火妄動則不能下交于腎故元精失守也遇勞則發為勞淋勞則動其心火也晝偏熱者陽虛也崩中由損傷衝任氣血俱虛經日陰虛陽搏謂之崩由陰虛而陽搏之血得熱而妄行也帶者病本于帶脈而得名赤屬血白屬氣由陰虛陽竭榮氣不升衛氣下陷或濕

痰濕熱蘊積而下流也

石蓮肉 人參 黃耆 茯苓 柴胡三錢 黃芩 地骨皮

麥冬 車前子 甘草錢二 空心服

此手足少陰足少陽太陰藥也參耆甘草所以補陽虛而瀉

火東垣曰參耆甘草瀉火之聖藥 助氣化而達州都膀胱也氣化則能出 地骨退肝腎

之虛熱柴胡散肝胆之火邪黃芩麥冬清熱于心肺上焦茯

苓車前利濕于膀胱下部中以石蓮清心火而交心腎則諸

症悉退也

導赤各半湯節菴 治傷寒後心下不硬腹中不滿二便如常身

傷寒心熱

醫方集解 火

蓮子清心飲 導赤各半湯

三十一

無寒熱漸變神昏不語或睡中獨語目赤口乾不飲水與粥則嚙不與勿思形如醉人名越經症傷寒不鞭不滿二便如常病不在府也神昏睡語不思食形如醉人此邪熱傳手少陰心心火上而逼肺也邪熱入裏故目赤舌乾邪熱在陰故不渴此症自足而傳手經故曰越經

黃連 黃芩 犀角 知母 山梔 滑石 麥冬 人參

甘草 茯神 加燈心薑棗煎

此手少陰太陰太陽藥也陳來章曰熱入心經涼之以黃連犀角卮子心移熱于小腸泄之以滑石甘草燈心心熱上逼于肺清之以黃芩卮子麥冬然邪之越經而傳于心者以心

大頭天行

普濟消毒飲東垣

治太頭天行初覺憎寒體重次傳頭面腫盛

神本不足也故又加人參茯神以補之昂按傷寒傳邪手足有瀉心數湯而麻黃桂枝先正以為皆肺藥也此湯瀉心肺之邪熱從小腸膀胱出故亦曰導赤其與瀉心異者以無痞症也

目不能開上喘咽喉不利口渴舌燥俗云太頭天行親戚不和問多有病此者醫以承氣加藍根下之稍緩翌日如故下之又緩終莫能愈漸至危篤東垣視之曰夫身半以上天之氣也身半以下地之氣也此邪熱客于心肺之間上攻頭而為腫盛以承氣瀉胃中之實熱是為誅代無過病以適至其所為故遂處此方全活甚衆遂名普濟消毒飲子

黃芩酒炒 黃連酒炒 五錢 陳皮去白 甘草生用 玄參二錢 連翹 板藍根

馬勃 鼠粘子 薄荷錢一 殭蚕 升麻七分 柴胡 桔梗二錢

為末湯調時時服之或蜜拌為丸噙化一方無薄荷有人參三錢亦有加大黃治便秘者或酒浸或煨用

此手太陰少陰足少陽陽明藥也芩連苦寒瀉心肺之熱為君玄參苦寒橘紅苦辛甘草甘寒瀉火補氣為臣連翹薄荷鼠粘辛苦而平藍根甘寒馬勃殭蚕苦平散腫消毒定喘為佐升麻柴胡苦平行少陽陽明二經之陽氣不得伸桔梗辛溫為舟楫不令下行為載也此解本之東垣而稍加刪潤然十書中無此方見于準繩

雷頭風

清震湯河間

治雷頭風頭面疔瘡腫痛憎寒壯熱狀如傷寒一云

頭如雷鳴風動作聲也李東垣曰病在三陽不可過用寒藥重劑誅伐無過處清震湯治之○三陽之氣皆會于頭額從額至顛絡腦後者屬太陽從額至鼻下面者屬陽明從頭角下耳中耳之前後者屬少陰

升麻 蒼朮錢五 荷葉一枚

此足陽明藥也升麻性陽味甘氣升能解百毒蒼朮辛烈燥濕強脾能辟瘴癘此局方升麻湯也荷葉色青氣香形仰象震震仰盂為雷述類象形以治之能助胃中清陽上行用甘溫辛散之藥以升發之使邪從上越且固胃氣使邪不傳裏也

一切火熱

紫雪局方

治內外煩熱不解狂易吐走發斑發黃口瘡脚氣瘴毒蠱毒熱毒藥毒及小兒驚癇

黃金百兩 寒水石 石膏 滑石 磁石水煮三斤搗煎去渣入後藥 升麻

玄參一斤 甘草炙半斤 犀角 羚羊角 沉香五兩 丁香

一兩並搗剉入前藥汁中煎去渣入後藥候汁欲凝再加久後二味 辰砂三兩研細 麝香當門子一兩二錢研細入前藥拌勻 合成

退火氣冷水調服每一二錢 本事方無黃金

此手足少陰足厥陰陽明藥也寒水石石膏滑石硝石以瀉

諸經之火而兼利水為君磁石玄參以滋腎水而兼補陰為

臣犀角羚羊以清心寧肝升麻甘草以升陽解毒沉香丁香

木香以溫胃調氣麝香以透骨通竅丹砂黃金以鎮驚安魂

瀉心肝之熱為佐使諸藥用氣硝獨用質者以其水鹵結成

性峻而易消以瀉火而散結也

人參清肌散 治午前潮熱氣虛無汗熱發午前陽虛而陰火乘之也火燥熱鬱故無

汗經日陽氣有餘為身熱無汗陰氣有餘為多汗身寒陰陽有餘則無汗而寒按此有餘乃病邪有餘即不足也陰陽和則無病過中則皆病也經又曰陽盛生外熱陰盛生內寒皆亢則為害非真陰真陽盛也

人參 白朮 茯苓 甘草炙 半夏麴 當歸 赤芍藥

柴胡 乾葛 加薑棗煎

此足少陽陽明藥也四君以補陽虛參朮苓甘 歸芍以調陰血半

夏和胃而行痰柴葛升陽而退熱益以甘溫瀉火甘溫能酸退大熱

人參清肌散

醫方集解 火 卷下 人參清肌散

○三十四

○三十四

○三十四

○三十四

○三十四

○三十四

○三十四

○三十四

寒活血汗即血也 辛甘解肌有汗宜實表無汗宜解肌 此之無汗與傷寒無汗不同故但解其肌熱而不必發出其汗也

前藥各一兩加黃芩五錢每服三錢加薑棗煎名人參散許叔微

治邪熱客于經絡痰嗽煩熱頭痛目昏盜汗倦怠一切血

熱虛勞喻嘉言曰此邪熱淺在經絡未深入藏府雖用柴葛

之輕全藉參朮之力以達其邪又恐邪入痰隧用茯苓半夏兼動其痰合之當歸亦芍黃芩併治其血中之熱止用三錢為劑蓋方成知約度敢用柴胡乾葛耳此叔微一種苦心特為發之

白朮除濕湯東垣 治午後發熱背惡風四肢沈困小便色黃又

治汗後發熱午後發熱熱在陰分陽陷陰中也背為陽腹為陰背惡風者陽不足也脾主四肢四肢沈困濕

勝而脾不運也小便黃濕兼熱也汗後而熱不退陽虛也

人參 赤茯苓 甘草炙 柴胡五錢 白朮一兩 生地黃 地骨皮

知母 澤瀉七錢 每服五錢如有刺痛加當歸七錢小便

利減苓瀉一半

此足太陰少陰少陽藥也陽陷陰中熱在血分故以生地滋

其少陰而以知母地骨瀉血中之伏火也柴胡升陽以解其

肌陽陷陰中故以柴胡提出其陽 苓瀉利濕兼清其熱參朮甘草益氣助脾

氣足陽升虛熱自退脾運而濕亦除矣方名除濕而治在退熱欲熱從濕中而下也

也降也

骨蒸

清骨散

治骨蒸勞熱

火炎水竭真陰銷鑠故肌骨之間蒸蒸而熱也○李東垣曰晝熱夜靜者是陽氣旺于陽分也晝靜夜熱者是陽氣下陷入陰中也名曰熱入血室晝夜俱熱是重陽無陰也當亟瀉其陽峻補其陰晝病則在氣夜病則在血

銀柴胡

錢半

胡黃連

秦艽

鱉甲

童便

地骨皮

青蒿

知

母

錢一分

甘草

炙五分

此足少陽厥陰藥也地骨胡連知母之苦寒能除陰分之熱而平之于內柴胡青蒿秦艽之辛寒能除肝胆之熱而散之于表鱉陰類而甲屬骨能引諸藥入骨而補陰甘草甘平能和諸藥而退虛熱也

勞熱骨蒸

石膏散

外臺

治勞熱骨蒸四肢微瘦有汗脈長者

勞熱之症不盡屬陰虛亦

有陽邪入裏傳為骨蒸令人先寒後熱漸成羸瘦者有汗胃實也脈長陽明症也

石膏 研細每夕新汲水服方寸七取熱退為度

此足陽明藥也石膏大寒質重能入裏降火味辛氣輕能透

表解肌雖寒而甘能緩脾益氣火勞有實熱者非此不為功

故外臺秘要名醫錄皆載之

玄珠曰五行六氣水特其一耳一水既虧豈能勝五火哉醫不

知邪氣未除便用補劑邪氣得補遂入經絡至死不悟夫涼劑能清火養水熱劑能補火燥水理易明也勞為熱症明矣尚可補乎惟無熱無積之人脈微無力方可補之必察其胃中及右腎二火果虧後用補劑可也證治要訣云治虛勞獨用熱藥者猶金中無水而進火也過用冷藥者猶金下無火而添水也非徒無益而又害之

二母散 治肺勞有熱不能服補氣之劑者肺虛挾火或咳嗽發熱陰虛已甚再

服補陽之藥則火益亢而陰愈虧故有雖病虛勞不能服溫補藥者

知母炒 貝母炒 等分爲末服 古方二母各一兩加巴霜

十粒薑三片臨臥白湯嚼服治咳嗽痰喘必利下寒痰

此手太陰藥也火旺燦金肺虛勞熱能受溫補者易治不能

受溫補者難治故又設此法以滋陰用貝母化痰瀉肺火知

母滋腎清肺金取其若能泄熱寒能勝熱潤能去燥也二母皆潤

燥之藥

膈熱咽痛

利膈湯本

治脾肺火熱虛煩上壅咽痛生瘡十二經脈惟足太陽在表別下

頂不歷膈咽餘經皆循喉嚨歷膈或實熱上攻或虛火妄行痰涎結聚則成咽痛咽瘡實火宜升之散之若虛火宜用入參薑附辛熱之藥多有過服寒涼而病反甚者張子和曰經何以言一陰一陽結爲喉痺蓋君相二火獨勝則熱結正絡故痛且速也噤乾噤痛咽腫頰腫舌本強皆君火也惟喉痺急速相火也君火人火也相火龍火也

薄荷 荊芥 防風 桔梗 甘草 牛蒡子炒 人參 等

分或爲末每服二錢或加殭蚕其氣清化能散相火逆結之痰

此手太陰少陰藥也咽痛咽瘡由于火鬱桔梗甘草甘桔湯也辛苦散寒甘平除熱爲清膈利咽之要藥加薄荷荊防以散火除風加牛蒡子以潤腸解毒火者元氣之賊正氣虛則邪火熾故又加入參以補虛退熱喻氏曰此方清上焦壅熱全用辛涼輕清之味不用

喉痺肺

若寒下降之藥
較涼隔散更勝

甘桔湯 金匱名
桔梗湯

治少陰咽痛喉痺肺癰吐膿乾咳無痰火鬱

在肺

手少陰心脉挾咽足少陰腎脉循喉龍火炎則痛經曰
一陰一陽結謂之喉痺一陰少陰君火一陽少陽相火

也肺癰者金匱云熱之所過血為之凝滯畜結癰膿吐
如米粥始萌可救膿成難治火鬱在肺則乾咳無痰

心藏發咳咳則心痛喉中介介如梗狀

甘草 二兩 桔梗 一兩

或等分王好古加法失音加訶子聲不出

加半夏上氣加陳皮涎嗽加知母貝母欬渴加五味酒毒加

葛根少氣加人參嘔加半夏生薑吐膿血加紫苑肺痿加阿

膠胸膈不利加枳殼痞滿加枳實目赤加梔子大黃面腫加

茯苓膚痛加黃耆發斑加荆芥防風痰毒加牛蒡子大黃不

得眠加梔子 昂按觀海藏之所加而
用藥之大較亦可識矣

此手太陰少陰藥也甘草甘平解毒而瀉火桔梗苦辛清肺

而利膈又能開提氣血表散寒邪排膿血而補內漏故治咽

痛喉痺肺癰咳嗽取其辛苦散寒甘平除熱也 金匱曰咳而
胸滿振寒咽

乾不渴時出濁唾腥臭為肺癰此湯主之喻嘉言曰此上提

之法乘其新起提其敗血或從唾出或從便出足以殺其毒

此因胸滿振寒不渴病尚在表用此開提肺氣若熱已入裏

又當引之從胃入腸此法不中用矣綱目曰喉痺惡寒為寒

閉于外熱鬱于內忌用胆礬酸寒等劑點喉使陽鬱不得伸

又忌硝黃等寒劑下之使陽邪陷裏宜用表藥提其氣升以

助陽也如不惡寒脈滑實者又當用寒劑下之酸劑收之也

○外臺秘要曰五藏之尊心雖為王而肺居其上肺為華蓋

肺惡寒亦惡熱

下覆四藏合天之德通達風氣性愛溫而惡寒心火更炎上蒸其肺金被火傷則葉萎倚着于肝肝發癢則嗽因心肝虛弱不能傳陽于下焦遂至正陽俱躋變成嗽矣肺主皮毛遇寒則慄而粟起肺嗽因痿倚着于肝而成病由木能扣金與鳴也先養肺抑心肝虛熱和其腎則愈矣

本方除桔梗名甘草湯金治同本方加防風名甘桔防風湯

治同本方加防風荆芥連翹名如聖湯宋仁宗治上焦風熱本

方加連翹薄荷竹葉梔子黃芩名桔梗湯治上焦壅熱喉痺

熱腫又方桔梗桑皮貝母瓜蒌當歸枳殼苡仁防已一作防風各五

分黃耆七杏仁百合甘草各三加薑煎亦名桔梗湯濟生治肺

癰吐膿噎乾多渴如大便閉加大黃小便赤加木通本方加

訶子名訶子清音湯加童便服治中風不語肺屬金主音金壅塞則不能言訶子斂肺清痰散逆破結桔梗利肺氣甘草和元氣童便降火潤肺或加木通以利機竅也○足少陰腎

脈俠舌本足太陰脾脈連舌本手少陰心別脈繫舌本三經虛則痰涎壅塞其脈道舌不轉運而不能言或三脈亡血舌無

血榮養而瘖舌瘖者中風不能轉運之類而咽喉音聲如故喉瘖者勞嗽失音之類而舌本則能轉運言語也

除甘草加枳殼名枳桔湯治胸中痞塞噫氣吐酸或欬枳殼

苦下氣而散痞寒消熱而除欬活人云傷寒應發汗反下之遂成痞枳實理中丸最良審知是痞先用枳桔湯尤妙緣枳

梗枳殼行氣下膈也

玄參升麻湯活治發斑咽痛發斑者陽明胃熱也咽痛者少陰相火也

玄參升麻甘草等分

玄參升麻湯

醫方集解 卷三十一 玄參升麻湯

此足陽明少陰藥也升麻能入陽明升陽而解毒玄參能入少陰壯水以制火甘草甘平能散能和故上可以利咽而內可以散斑也

本方除玄參加犀角射于黃芩人參名陽毒升麻湯治陽毒發斑頭項背痛狂躁罵詈咽腫吐血溫服取汗

斑 胃熱發

消斑青黛飲

節

治傷寒熱邪傳裏裏實表虛陽毒發斑

血熱不散

蒸于皮膚則為斑輕如疹子重若錦紋紫黑者熱極而胃爛也。多死。此或因陽症誤投熱藥或因下早表熱乘虛入胃或因下遲熱留胃中皆發斑。○斑症有六日傷寒發斑或下早或下遲也。日溫毒發斑冬時感寒至春始發也日熱病發斑冬時感寒至夏乃發也日時氣發斑大疫時行之氣也治畧相同日內傷發斑先因傷暑次食涼物逼其暑火浮遊于表

也宜加香薷扁豆日陰症發斑元氣大虛寒伏于下逼其無根失守之火上獨薰肺傳于皮膚淡紅而稀少也宜大建中湯誤投寒劑則殆矣

青黛 黃連 犀角 石膏 知母 玄參 梔子 生地

黃 柴胡 人參 甘草 加薑棗煎入苦酒醋一匙和服

大便實者去人參加大黃

此足陽明藥也發斑雖由胃熱亦諸經之火有以助之青黛黃連以清肝火梔子以清心肺之火玄參知母生地以清腎火犀角石膏以清胃火此皆大寒而能解鬱熱之毒者引以柴胡使達肌表柴胡清少陽相火使以薑棗以和榮衛其用人參甘

草者以和胃也胃虛故熱毒乘虛入裏而發于肌肉也加苦酒者其酸收之義乎

喉痺骨哽

玉屑無憂散

陳無擇

治纏喉風痺咽喉腫痛咽物有碍或風涎

壅滯口舌生瘡大人酒癥小兒疔癬及骨屑哽塞

玄參 黃連 荆芥 貫衆 山荳根 茯苓 甘草 砂

仁 滑石 五錢 礪砂 三錢 寒水石 三錢 為末每一錢先抄入口徐徐

以清水咽下能除三尸去八邪辟瘟療渴 礪砂玄參最能生津凡瀉火利水之

藥皆能療渴

此足陽明少陰藥也玄參黃連寒水石清火貫衆山荳根解

毒滑石茯苓利水砂仁礪砂軟堅 並能消骨哽 荆芥散結甘草和

中故能統治諸病也 朱丹溪曰咽痛必用荆芥虛火上炎必用玄參○又有陰氣大虛虛火游行無

制客于咽喉遂成咽痛脉必浮大重取必瀉宜濃煎人參湯細細呷之如用清降之藥立斃

香連丸 直指 治下痢赤白膿血相雜裏急後重 濕熱之積于于血分則赤于于

氣分則白赤白兼下者氣血俱病也後重裏急者氣滯不通也按裏急後重有因火熱者有因氣滯者有因積滯者有因

氣虛者有因血虛者當審症論治

黃連 二十兩吳茱萸十兩同炒去茱萸用 木香 四兩八錢不見火 醋糊丸米飲下

方等分蜜丸一方加甘草八兩黃連用蜜水拌蒸晒九次入

木香為丸

熱痢

昂按劉說固是然病亦有寒熱合邪者

此手足陽明藥也痢為飲食不節寒暑所傷濕熱蒸鬱而成黃連苦燥濕寒勝熱直折心脾之火故以為君用吳茱同炒者取其能利大腸壅氣痢乃脾病傳于大腸且以殺大寒之性也裏急由于氣滯木香辛行氣溫脾能通利三焦泄肺以平肝使木邪不尅脾土氣行而滯亦去也一寒一熱一陰一陽有相濟之妙經所謂熱因寒用寒因熱用也痢疾初起忌用為黃連厚胃瀉腸也原病式日或言下痢白為寒者悞也寒則不能消穀何由反化為膿也燥鬱為白屬肺金也泄痢皆兼于濕濕熱甚于腸胃之內致氣液不得宣通使煩渴不止也下痢赤白俗言寒熱相兼其說尤悞寒熱異氣豈能俱甚于腸胃而同為痢乎各隨五藏之部而見其色其本則一出于熱但分淺深而已或曰何故服辛熱之藥亦有愈者曰為能開發鬱結使氣液宣通

流濕潤燥氣和而已莫若用辛苦寒之藥微加辛熱佐之如錢氏香連丸之類是也

本方加石蓮肉治噤口痢本方倍大黃治熱痢積滯本方加

吳茱萸肉豆蔻烏梅湯丸本方加訶子龍骨名黃連丸宜並

治痢疾斷下石蓮清心火開胃止大黃瀉胃熱蕩積滯吳茱萸壅氣肉蔻訶子烏梅龍骨皆瀉大腸

熱利

白頭翁湯仲景

治傷寒熱利下重欲飲水者此傷寒轉利之症也仲景見于厥陰

篇欲飲水與渴不同渴但津乾欲水是陰分為火所灼欲得涼以解之也不可過與利與痢不同利者瀉也陽熱之利與陰寒不同陰利宜理中四逆溫藏陽利糞色必焦黃熱臭出作聲臍下必熱得涼藥則止原病式曰瀉白為寒赤黃紅黑皆為熱也

白頭翁二兩秦皮兩黃連兩黃柏三兩

白頭翁湯

腎熱耳
聾
心寄竅
于耳故
夢寐之
中能聞

此足陽明少陰厥陰藥也白頭翁苦寒能入陽明血分而涼血止癖秦皮苦寒性瀉能涼肝益腎而固下焦漬水色青故能入肝除熱

黃連涼心清肝黃柏瀉火補水並能燥濕止利而厚腸取其寒能勝熱苦能堅腎瀉能斷下也成無已曰腎欲堅急食苦以堅之利則下焦虛故以純苦之劑堅之徐忠可曰此主熱利下重乃熱傷氣氣下陷而重也陷下則傷陰陰傷則血熱雖後重而不用調氣之藥病不在氣耳周揚俊曰邪傳厥陰少陽其表也藏府相連于法禁下故但謀去其熱熱除而利自止也

腎熱湯金 治腎熱耳流膿血不聞入聲耳為腎竅舌為心竅以舌非孔竅故心亦寄竅于耳十二經中除足太陽手厥陰其餘十經皆入絡耳中腎治內之陰心治外之陽清淨精明之氣上走空竅而聽斯聰矣若二經不調陰陽不和或煩勞陰虛或衛氣不下循經脈或得于風邪或經藏積熱或大怒氣逆或濕飲痞隔或

熱聚不散流出膿血或風熱搏結成核塞耳皆令暴聾宜通耳調氣安腎之劑

磁石煨紅碎七次 牡蠣鹽水煮煨粉 白朮炒五兩 麥冬 芍藥四兩 甘草一兩

生地黄汁 葱白一升 大棗十五枚 分三服

此足少陰藥也磁石體重辛鹹色黑補腎祛熱通耳明目故以為君牡蠣鹹寒軟痰破結生地大寒瀉火滋腎麥冬甘寒補肺清金肺為腎母又聲屬金王大僕曰肺虛則少氣不能報息而耳聾 白芍酸寒平肝和血經曰肝病氣逆則耳聾不能報息而耳聾 皆能生水而制火退熱而斂陰

白木甘草大棗補脾之品益土氣正以制腎邪也土能防水經曰頭痛耳鳴九竅不利 數者皆固本之藥使精氣充足邪熱自退耳腸胃之所生也

醫方集解

腎熱湯

三十一

竅自通加葱白者以引腎氣上通于耳也

肺熱鼻

辛夷散

嚴

治鼻生瘰肉氣息不通不聞香臭

鼻為肺竅氣清則鼻通氣熱則

鼻塞濕熱盛甚蒸于肺門則生瘰肉猶濕地得熱而生芝菌也

辛夷 白芷 升麻 藁本 防風 川芎 細辛 木通

甘草 等分為末每服三錢茶調下

外用燒礬為末加硃砂少許吹鼻中能消

化之

此手太陰足陽明藥也經曰天氣通于肺若腸胃無痰火積熱則平常上升皆清氣也由燥火內焚風寒外束血氣壅滯故鼻生瘰肉而竅窒不通也辛夷升麻白芷辛溫輕浮能引

風熱鼻

蒼耳散

無

治鼻淵

鼻流濁涕不止曰鼻淵乃風熱燥腦而液下滲也經曰腦滲為涕又曰胆移熱于腦

胃中清氣上行頭腦防風藁本辛溫雄壯亦能上入巔頂勝濕祛風細辛散熱破結通精氣而利九竅芎藭補肝潤燥散諸鬱而助清陽此皆利竅升清散熱除濕之藥木通通中茶清寒苦以下行瀉火甘草和中又以緩其辛散也

李時珍曰肺開竅于

鼻陽明胃脈俠鼻上行腦為元神之府鼻為命門之竅人之中氣不足清陽不升則頭為之傾九竅為之不利

則辛頰鼻淵頰即山根辛頰酸痛也原病式曰如以火鑠金熱極則反化為水肝熱甚則出泣心熱甚則出汗脾熱甚則出涎肺熱甚則出涕腎熱甚則出唾皆火熱盛極銷燬以致之也

白芷 薄荷 辛夷 蒼耳子 為末食前葱茶湯調

兩

錢五

炒二

錢半

下二錢

此手太陰足陽明藥也凡頭面之疾皆由清陽不升濁陰逆上所致白芷主手足陽明上行頭面通竅表汗除濕散風辛夷通九竅散風熱能助胃中清陽上行頭腦蒼耳疎風散濕上通腦頂外達皮膚薄荷泄肺疎肝清利頭目葱白升陽通氣茶清苦寒下行使清升濁降風熱散而腦液自固矣

醫方集解卷下之二

除痰之劑

痰之源不一有因熱而生痰者有因痰而生熱者有因濕而生者有因氣而生者有因風而生者有因寒而生者有因驚而生者有因多食而成者有因傷冷物而成者有因嗜酒而成者有因脾虛而成者俗云百病皆由痰起然內經有飲字而無痰字至仲景始立五飲之名而痰飲居其一龐安常曰善治痰者不治痰而治氣氣順則一身津液亦隨氣而順矣準繩云痰之生由于脾氣不足不能致精于肺而痰以成者也治痰宜先補脾脾復健運之常而痰自化矣○腎虛不能制水水泛為痰是無火之痰痰清而稀陰虛火動火結為痰是有火之痰痰稠而濁痰症初起發熱頭痛類外感表症久則潮咳夜重又類陰火內傷走注肢節疼痛又類風症但肌色如故脈滑不勻為異

二陳湯

治一切痰飲為病咳嗽脹滿嘔吐惡心頭眩心悸

濕痰

脾虛不能健運則生痰飲稠者為痰稀者為飲水濕其本也
得火則結為痰隨氣升降在肺則咳在胃則嘔在頭則眩在
心則悸在背則冷在脇則脹其變不可勝窮也

半夏薑製 陳皮去白 茯苓錢一 甘草五分 加薑煎薑能制半夏之毒○陳皮半夏

貴其陳久則無燥散之患故名二陳 治痰通用二陳風痰加南星白附皂角竹

瀝寒痰加半夏薑汁火痰加石膏青黛濕痰加蒼朮白朮燥

痰加栝萸杏仁食痰加山查麥芽神麩老痰加枳實海石苾

硝氣痰加香附枳殼脇痰在皮裏膜外加白芥子四肢痰加

竹瀝效之則不一百因然而主恐昔在因痰而土

此足太陰陽明藥也半夏辛溫體滑性燥行水利痰為君痰

因氣滯氣順則痰降故以橘紅利氣痰由濕生濕去則痰消

故以茯苓滲濕為臣中不和則痰涎聚又以甘草和中補土

為佐也或曰有痰而渴宜去半夏代以貝母栝萸吳鶴皋曰

夏也此濕為本熱為標濕極而兼勝已之化非真象也按貝

母寒潤主肺家燥痰半夏溫燥主脾家濕痰雖俱化痰而寒

濕燥潤各異脫或悞施貽害匪淺用者宜審之○有血不足

陰火上逆肺受火傷肅清之令不得下行由是津液渾濁生

痰不生血者名燥痰當用潤劑如地黃門冬枸杞之類滋陰

降火而痰自清若投二陳立見危殆有痰飲流入四肢肩背

痠痛手足罷軟誤以為風則非其治宜導痰湯加木香薑黃

大凡痰飲變生諸症當以治飲為先飲消則諸症自愈如頭

風眉稜骨痛投以風藥不効投以痰藥見功又如眼赤羞明

與之涼藥不瘳昇以痰劑獲愈凡此之類不一而足有入坐

處吐痰滿地不甚稠粘只是沫多此氣虛不能攝涎不可用利藥宜六君子加益智仁一錢以攝之

醫方集解

痰

二陳湯

三十五

本方加入參白朮名六君子湯治氣虛有痰本方去茯苓甘草名陳皮半夏湯再加桔梗名桔梗半夏湯本方去陳皮甘草名半夏茯苓湯再加生薑名小半夏加茯苓湯金匱並治水氣嘔惡本方加黃芩名茯苓半夏湯宜明治熱痰本方加黃連梔子生薑名二陳加梔連生薑湯治膈上熱痰令人嘔吐去生薑治嘈雜本方加砂仁枳殼名砂枳二陳湯行痰利氣本方加胆星枳實名導痰湯治頑痰膠固非二陳所能除者加胆星以助半夏加枳實以成衝牆倒壁之功再加菖蒲治驚悸健忘怔忡不寐導痰湯加木香香附名順氣導痰湯治痰結胸滿喘咳上氣本方

膈痰

加枳實枯蘆葶子山查神麩治食積痰嗽發熱本方加蒼朮枳殼片子薑黃名加味二陳湯仁濟治痰攻眼腫併酒家手臂重痛麻木本方除甘草加乾薑薑汁糊丸名溫中化痰丸寶鑑治胸膈寒痰不快本方除茯苓甘草加黃連麩糊丸薑湯下名三聖丸治痰火嘈雜心懸如飢單用陳皮生薑名橘皮湯金匱治乾嘔噦及手足厥者單用半夏薑汁名生薑半夏湯金匱治似喘不喘似嘔不嘔似噦不噦心中憤憤然無奈者本方半夏醋煮除陳皮薑汁丸名消暑丸見暑門

潤下丸即二賢湯治膈中痰飲

醫方集解

痰

潤下丸

三十一

廣陳皮

去白八兩
鹽水浸洗

甘草

二兩
蜜炙

蒸餅糊丸或將陳皮鹽水煮

芩連

爛晒乾同甘草為末名二賢散薑湯下濕勝加星夏火盛加

此足太陰陽明藥也陳皮燥濕而利氣濕去則痰涸氣順則

痰行食鹽潤下而軟堅潤下則痰降軟堅則痰消痰在膈中

故用甘草引之入胃且草經蜜炙能健脾胃脾胃健則痰

自行矣虛弱人慎用朱丹溪曰胃氣亦賴痰以養攻盡則虛而愈劇

桂苓甘水湯

金匱

治心下有痰飲胸脇支滿目眩

稀者為飲稠者為痰痰飲

積于厥陰心包則胸脇支滿痰飲阻其胸中之陽水精不能上布故目眩

痰飲

茯苓

四兩

桂枝

白朮

三兩

甘草

二兩

此足太陰藥也喻嘉言曰茯苓治痰飲伐腎邪滲水道桂枝

通陽氣開經絡和營衛白朮燥痰水除脹滿治風眩甘草得

茯苓則不資滿而反泄滿故本草曰甘草能下氣除煩滿此

症為痰飲阻抑其陽故用陽藥以升陽而化氣也

金匱曰短氣有微飲

者當從小便去之桂苓甘水湯主之腎氣丸亦主之按腎氣丸亦通陽行水之藥也

清氣化痰丸

治熱痰

熱痰者痰因火盛也痰即有形之火火

橫行變生諸症不可紀極火借氣于五臟痰借液于五味氣有餘則為火液有餘則為痰故治痰者必降其火治火者必

順其氣也

熱痰

半夏薑製 膽星兩 橘紅半 枳實麩炒 杏仁去皮尖 桔萸仁去油 黃芩酒炒
 茯苓兩 薑汁糊丸淡薑湯下

此手足太陰之藥治痰火之通劑也氣能發火火能殺痰半夏南星以燥濕氣黃芩枯萸以平熱氣陳皮以順裏氣杏仁以降逆氣枳實以破積氣茯苓以行水氣水濕火熱皆生痰之本也蓋氣之亢而為火猶民之反而為賊賊平則還為良民而復其業矣火退則還為正氣而安其位矣故化痰必以清氣為先也

順氣消食化痰丸 瑞竹堂

治酒食生痰胸膈膨悶五更咳嗽過飲

食痰

則脾濕多食辛熱油膩之物皆能生痰壅于胸膈故滿悶五更咳嗽由胃有食積至此時火氣流入肺中故嗽

半夏薑製 胆星斤 青皮 陳皮去白 萊菔子生用 蘧子沈水者炒 山查炒
 麥芽炒 神麩炒 葛根 杏仁去皮尖炒 香附製各一兩 薑汁和蒸餅

糊丸 一方半夏南星各一斤白礬皂角生薑各一斤同煮至南星無白點為度去皂角薑切同曬乾用

此手足太陰藥也痰由濕生半夏南星所以燥濕痰由氣升蘧子萊子杏仁所以降氣痰由氣滯青皮陳皮香附所以導滯痰因于酒食葛根神麩所以解酒山查麥芽所以化食濕去食消則痰不生氣順則咳嗽止痰滯既去滿悶自除也久有痰者燥脾化痰無痰者清金降火蓋外感久則鬱熱內傷久則火炎俱要開鬱潤燥其七情氣逆者順氣為先停水宿

痰嗽

食者分導為要氣血虛者補之斂之不宜妄用瀉劑

清肺飲 治痰濕氣逆而咳嗽

肺受火傷則氣逆而為欬脾有停濕則生痰而作嗽病有五藏

六府之殊而其要皆歸于肺以肺為五藏華蓋下通膀胱外達皮毛為氣之主而出聲也大法新嗽脈浮為表邪宜發散脈實為內熱宜清利脈濡散為肺虛宜溫補久嗽曾經解利以致肺胃俱虛飲食不進宜溫中助胃兼治嗽藥○素問曰肺之能令人欬何也曰五藏六府皆令人咳非獨肺也皮毛者肺之合也皮毛先受邪氣邪氣以從其合也五藏各以其時受病非其時各傳以與之有自外得者肺主皮毛風寒暑濕之邪自皮毛入內傳藏府而為嗽也有自內發者七情饑飽內有所傷則邪氣上逆肺為氣出入之道故五藏之邪土蒸于肺而為嗽也然風寒暑濕有不為嗽者蓋所感者重不留在皮毛徑傷藏府而成傷寒溫熱諸病七情亦有不為嗽者蓋病尚淺只在本藏未傳入肺所以傷寒以有嗽為輕而七情飢飽之嗽必久而後發也

杏仁去皮尖

貝母

茯苓一錢 桔梗

甘草

五味子

橘紅五分

加薑煎食遠服若春時傷風咳嗽鼻流清涕宜清解加防

風薄荷紫蘇炒芥夏多火熱宜清降加桑皮麥冬黃芩知母

石膏秋多濕熱宜清熱利濕加蒼朮桑皮防風梔芩冬多風

寒宜解表行痰加麻黃桂枝乾薑半夏防風火嗽加青

黛括萆海石食積痰加香附山查枳實濕痰除貝母加半夏

南星燥痰加枯萆知母天冬午前嗽屬胃火宜清胃加石膏

黃連午後嗽屬陰虛宜滋陰降火加芎歸芍地知柏二冬竹

瀝薑汁傳送黃昏嗽為火浮于肺不可用涼藥宜五倍五味

訶子欬而降之勞嗽見血多是肺受熱邪宜加歸芍阿膠天冬知母欬冬紫苑之類久嗽肺虛加參耆如肺熱去人參用沙參可也

此手太陰之藥治嗽之通劑也杏仁解肌散寒降氣潤燥貝母清火散結潤肺化痰五味欬肺而寧嗽茯苓除濕而理脾橘紅行氣甘草和中桔梗清肺利膈載藥上浮而又能開壅發表也

傷風咳嗽

金沸草散

治肺經傷風頭目昏痛咳嗽多痰風盛則氣壅氣壅則痰升

故頭目昏痛而咳嗽○直指方云咳嗽感風者鼻塞聲重傷冷者悽清怯寒挾熱為焦煩受濕為纏滯瘀血則膈間腥悶

停水則心下怔忡或實或虛痰之黃白唾之稀稠從可知也

旋覆花即金沸草 前胡 細辛一錢 荆芥半錢 赤茯苓六分 半夏五分 甘草

灸三分 加薑棗煎局方加麻黃赤芍無赤茯苓細辛玉機微義日司方辛

平活人 如蒲悶加枳殼桔梗有熱加柴胡黃芩頭痛加川芎

此手太陰藥也風熱上壅荆芥辛輕發汗而散風痰涎內結前胡旋覆消痰而降氣半夏燥痰而散逆甘草發散而緩中茯苓行水細辛溫經益痰必挾火而兼濕故下氣利濕而症自平茯苓用赤者入血分而瀉丙丁也小腸為丙火心為丁火三因方云一婦人牙痛治療不効口頰皆腫以金沸草散太劑煎湯薰漱而愈

痰嗽

百花膏濟生治喘嗽不已或痰中有血虛人尤宜

百合 欬冬花 等分蜜丸龍眼大食後臨臥薑湯下或噙

化加紫菀百部烏梅名加味百花膏治同煎服亦可

此手太陰藥也欬冬瀉熱下氣清血除痰百合潤肺寧心補

中益氣並為理嗽要藥

氣痰

三仙丸百一治中脘氣滯痰涎不利按氣滯不通為氣痰

南星麩 半夏麩四兩香附二兩糊丸薑湯下

此足陽明手足太陰藥也星夏以燥肺胃之痰香附以快三

焦之氣使氣行則痰行也玉機微義曰此方與局方四七湯皆迷茯苓丸皆行痰而兼用氣藥

痰厥頭痛

即嚴氏氣順則痰自下之意然紫菀枳殼肺氣藥也厚朴脾胃氣藥也香附肝氣藥也隨藏氣而用不可不分又云嚴氏以入之七情鬱結氣滯生痰氣道通利痰自降下又有原有積痰其氣因痰而結滯者必先逐去痰結則氣自行豈可端主一說○有一咳痰即出者脾濕勝而痰滑也宜半夏南星皂角之屬燥其脾若利氣之劑所當忌也有連咳痰不出者肺燥勝而痰澇也宜枳殼紫蘇杏仁之屬利其肺若燥脾之劑所當忌也

半夏天麻白朮湯東垣治脾胃內傷眼黑頭眩頭痛如裂身重

如山惡心煩悶四肢厥冷謂之足太陰痰厥頭痛痰厥者濕

上也痰逆則上實故令頭痛目眩眼前見黑色也○東垣曰太陰頭痛必有痰也少陰頭痛足寒而氣逆也太陰少陰二經雖不上頭然痰與氣逆壅于膈中頭上氣不得暢而為痛也

半夏薑製麥芽錢半神麩炒白朮炒一錢蒼朮泔浸人參 黃耆蜜炙陳

醫方集解 痰 卷下 百花膏 三仙丸 半夏天麻白朮湯 四十二

皮 茯苓 澤瀉 天麻五分 乾薑三分 黃柏二分 酒洗 每服五錢

此足太陰藥也痰厥頭痛非半夏不能除半夏燥痰而能和胃 頭旋眼

黑虛風內作非天麻不能定天麻有風不動名定風草 黃耆人參甘溫可

以瀉火亦可以補中二朮甘苦而溫可以除痰亦可以益氣

去濕故除痰 健脾故益氣 苓瀉瀉熱導水陳皮調氣升陽神麩消食蕩胃

中滯氣交芽化結助戊己運行胃為戊土 脾為己土 乾薑辛熱以滌中

寒黃柏苦寒酒洗以療少火在泉發躁也李東垣曰夫風從上受之風寒傷上

邪從外入令人頭痛身重惡寒此傷寒頭痛也頭痛耳鳴九

竅不利腸胃之所生乃氣虛頭痛也心煩頭痛者過在手太

陽少陰乃濕熱頭痛也如氣上不下頭痛顛疾者下虛上實

也過在足太陽少陰甚則入腎寒濕頭痛也如頭半寒痛者

先取手少陽陽明次取足少陽陽明此偏頭痛也有厥逆頭

痛者所犯太寒內至骨髓隨者以腦為主腦逆故令頭痛齒

亦痛有真頭痛者甚即腦盡痛手足寒至節死不治頭痛每

以風藥治之者高巔之上唯風可到味之薄者陰中之陽乃

自地升天者也太陽頭痛惡風寒脈浮緊川芎羌活獨活麻

黃之類為主少陽頭痛脈弦細往來寒熱柴胡黃芩為主陽

明頭痛自汗發熱惡寒脈浮緩長實者升麻葛根白芷石膏

為主太陰頭痛必有痰體重或腹痛為痰癖其脈沉緩蒼朮

半夏南星為主少陰頭痛三陰三陽經不流行而足寒氣逆

為寒厥其脈沈細麻黃附子細辛湯主之厥陰頭項痛或吐

涎沫厥冷脈浮緩吳茱萸湯主之血虛頭痛當歸川芎為主

氣虛頭痛人參黃耆為主氣血俱虛頭痛調中益氣湯少加

停痰瘕

茯苓丸 指迷方

治痰停中脘兩臂疼痛

飲伏于內停滯中脘脾主四肢脾滯而氣不下

醫方集解

痰

卷下

四十一

故上行攻臂其脉沈細者是也

半夏麩

二兩 一兩 乳拌

枳殼

五錢 麩炒

風化硝

二錢半 如一時未易成但以朴硝撒竹盤

中少時盛水置當風處即乾如芒硝刮取亦可用

薑汁糊丸薑湯下

此足太陰陽明藥也半夏燥濕茯苓滲水枳殼行氣化硝軟

堅

去堅 痰

生薑制半夏之毒而除痰使痰行氣通臂痛自止矣

喻嘉言曰痰藥雖多此方甚効○痰飲流入四肢令人肩背酸痛兩手罷軟誤以為風則非其治宜導痰湯加木香薑黃各五分輕者指迷茯苓丸重者控涎丹外有血虛不能榮筋而致臂痛宜蠲痺四物湯各半貼和服

痰涎

控涎丹

一名妙應丸 三因方

治人忽患胸背手足腰項筋骨牽引鈞痛

走易不定或手足冷痺氣脉不通此乃痰涎在胸膈上下誤

認癱瘓非也

甘遂

去心

大戟

去皮

白芥子

等分為末糊丸臨臥薑湯服五七

丸至十九痰猛加丸數脚氣加栝榔木瓜松枝卷柏驚痰加

硃砂全蝎驚氣成塊加穿山甲鱉甲延胡索蓬朮熱痰加盆

硝寒痰加胡椒丁香薑桂

此手足太陽太陰藥也

十棗湯加減行水例藥亦厲劑

李時珍曰痰涎為物

隨氣升降無處不到入心則迷成癲癩入肺則塞竅為喘咳

背冷入肝則膈痛乾嘔寒熱往來入經絡則麻痺疼痛入筋

骨則牽引鈞痛入皮肉則癩癧癰腫陳無擇三因方並以控

涎丹主之殊有奇効此乃治痰之本痰之本水也濕也得氣
 與火則結為痰大戟能泄藏府水濕甘遂能行經隧水濕直
 水氣所結之處以攻決為用白芥子能散皮裏膜外痰氣惟善用者能收
 奇功也

氣痰

三子養親湯

韓

治老人氣實痰盛喘滿懶食

痰不自動因火而動氣有餘便

是火氣盛上湧故喘痰火塞胸故懶食

紫蘂子

沈水者

白芥子

萊菔子

各微炒研煎服或等分或

看病所主為君

此手足太陰藥也白芥子除痰紫蘂子降氣萊菔子消食然

皆行氣豁痰之藥氣行則火降而痰消矣

吳鶴皋曰治痰先理氣此治標耳終

不若一陳能健脾去濕有治本之功也李士材曰治病先攻其甚若氣實而喘則氣反為本痰反為標矣是在智者神而明之若氣虛者非所宜矣

風痰

滌痰湯

嚴

治中風痰迷心竅舌強不能言

心在竅為舌心別脈繫舌根脾脈連

舌本散舌下腎脈挾舌本二脈虛則痰涎乘虛閉其脈道故舌不能轉運言語也若二脈亡血不能榮養而瘖者又當加補血藥○風痰塞其經絡舌強不能言其症為重若壅熱上攻舌腫不能轉者其症為輕

半夏

薑製

胆星

橘紅

枳實

茯苓

人參

菖蒲

竹

茹七分甘草五分

加薑煎

此手少陰足太陰藥也心脾不足風邪乘之而痰與火塞其

醫方集解

痰

卷下

三子養親湯

滌痰湯

四十五

病頑痰怪

經絡故舌本強而難語也人參茯苓甘草補心益脾而瀉火
陳皮南星半夏利氣燥濕而祛痰菖蒲開竅通心枳實破痰
利膈竹茹清燥開鬱使痰消火降則經通而舌柔矣喻嘉言曰此症

最急此藥最緩有兩不相當之勢審其屬熱用此湯調下牛黃丸審其屬虛用此湯調下二丹丸庶足開痰通竅附二丹丸丹參熟地天冬兩半麥冬茯神甘草一兩丹砂人參菖蒲遠志五錢蜜丸安神養血清熱息風服之得睡○有風中心脾者有痰塞心竅者有風寒壅滯者致舌本木強又有氣虛血虛腎虛及老人暴不能言者宜十全大補湯加菖蒲遠志

礞石滾痰丸

王隱君

治實熱老痰怪症百病

風木太過尅制脾土氣不運化積滯

生痰壅塞上中二焦

迺薄腸胃曲折之處謂之老痰變生百病不可測識非尋常藥餌所能療也此丸主之

青礞石一兩

沈香五錢

大黃酒蒸

黃芩八兩

右將礞石打碎用焰硝

一兩同入瓦罐鹽泥固濟晒乾火煨石色如金為度研末和

諸藥水丸量人虛實服之薑湯送下服後仰臥令藥在胸膈

之間除逐上焦痰滯不宜飲水行動昂按凡藥必先入胃然後能分布于其經某絡

胃乃人身分金之爐也安有長在膈中而可以見功者乎若云膈藥必須在膈將治頭痛之藥亦必令之上駐于頭耶○吐痰水上以礞石未搽之痰即隨下故為利痰聖藥礞石煨過無金星者不堪用陳久者佳新煨者火毒硝毒未除

此手足太陰陽明藥也礞石剽悍之性能攻陳積伏歷之痰

大黃蕩熱去實以開下行之路黃芩瀉肺涼心以平上僭之

火沈香能升降諸氣上至天而下至泉以導諸藥為使也然

乃峻劑非體實者不可輕投王隱君曰痰症古今未詳方書雖有五飲諸飲之異而莫知其

雖有五飲諸飲之異而莫知其

為病之源或頭風作眩目運耳鳴或口眼蠕動眉稜耳輪痛
 癢或四肢游風腫硬似疼非疼或為齒頰癢痛牙齒浮而痛
 癢或噎氣吞酸心下嘈雜或痛或噎或咽嗝不利咯之不出
 嘔之不下其痰似墨有如破絮挑膠蠅肉之狀或心下如停
 水鐵心氣冷痛或夢寐奇怪之狀或足腕酸軟腰背骨節辛
 痛或四肢筋骨疼痛難以名狀並無常處以致手臂麻痛狀
 若風濕或脊上一條如線之寒起者或渾身習習如臥芒刺
 者或眼粘濕癢口糜舌爛喉痺等症或遠頂結核狀若瘰癧
 或胸腹間如石二氣交紐噎息煩悶有如烟火上衝頭面烘
 熱或為朱志癩癩或中風癱瘓或勞瘵在再之疾或風毒脚
 氣或心下怔忡如畏人捕或喘嗽嘔吐或嘔冷涎綠水黑汁
 甚為肺癰腸毒便膿攣跛內外為病百端皆痰所致其狀不
 同難以盡述蓋津液既凝為痰不復周潤三焦故口燥咽乾
 大便秘結而如枯骨毛髮焦稿婦人則因此月水不通若能
 逐去敗痰自然服餌有效余用滾痰丸
 以愈諸疾不可勝數特相傳于世云

本方加玄明粉一兩硃砂為衣治同本方減大黃黃芩各六

兩加橘紅半夏各二兩甘草一兩竹瀝薑汁為丸名竹瀝達

痰丸治同方稍和緩單用礞石一味製如前法名奪命丹楊氏

薄荷自然汁蜜調溫服治小兒急慢驚風痰涎壅盛藥不可

下命在須臾

風癩驚

牛黃丸 治風癩迷悶涎潮抽掣

風癩或因母腹中受驚或因大驚而得益小兒神氣尚弱

驚則神不守舍舍空則痰涎歸之以致痰迷心竅或感風寒暑濕或飲食不節逆于藏氣鬱而生涎閉塞諸經厥而乃成或數日一發或一日數發發則眩仆倒地昏不知入葱蘸抽掣口自嚼邪或隨藏氣作六畜之聲

胆星 全蝎去足 蟬蛻二錢 牛黃 白附子 僵蚕洗 防風

天麻錢半 麝香五分 煮棗肉和水銀五分細研入藥末為丸

荆芥薑湯下

此手少陰足太陰厥陰藥也牛黃清心解熱開竅利痰天麻

防風南星全蝎辛散之味殭蚕蟬蛻清化之品白附頭面之

藥去頭面之遊風皆能搜肝風而散痰結麝香通竅水銀劫痰引以

薑芥者亦以逐風而行痰也按牛黃丸之方頗多互有異同然大要在於搜風化痰寧心通

竅多用木麝牛雄金珠犀珀若中藏者宜之如中府中血脈者反能引風入骨此方藥味頗簡故姑錄之以概其餘也喻嘉言曰牛黃丸與蘘合丸異治熱阻開竅宜牛黃丸寒阻開竅宜蘘合丸若手撒口開遺尿等死症急用參附峻補間有生者若牛黃蘘合入心即斃

風痰癲

辰砂散

治風痰諸癲癲狂心疾諸癲因驚恐憂怒火盛于

擊叫吼吐涎食頃乃醒身熱脈浮在表者陽癲屬六腑易治身冷脈沉在裏者陰癲屬五藏難治其實痰火與驚而已癲狂亦由

辰砂光明者一兩 乳香光瑩者 棗仁五錢 温酒調下恣飲沈醉聽

睡一二日勿動萬一驚寤不可復治

此手少陰藥也辰砂鎮心瀉心火乳香入心散痰血棗仁補

肝胆而寧心

本方加入參一兩蜜丸彈丸大名寧志膏本每服一丸薄荷

湯下治同

白金丸 治癲狂失心癲多喜笑尚知畏懼症屬不足狂多怒怒人不能制症屬有餘此病多因驚憂

痰血迷心

醫方集解 卷下 辰砂散 白金丸

痰血塞于心竅所致難經云諸陽為狂諸陰為癲○喜屬心怒屬肝二經皆火有餘之地也

白礬三兩 鬱金七兩 薄荷糊丸

此手少陰藥也白礬酸鹹能軟頑痰鬱金苦辛能去惡血痰血去則心竅開而疾已矣

風痰

青州白丸子 治風痰湧盛嘔吐涎沫口眼喎邪手足癱瘓小

兒驚風 皆風痰準 及痰盛泄瀉 肥人滑泄多屬之痰脈滑

白附子生用 南星生用 半夏水浸生衣 川烏去皮臍生 為末

絹袋盛之水擺出粉末盡再搗再擺以盡為度貯磁盆日暴

夜露春五日夏三秋七冬十日晒乾糯米糊丸如菜豆大每

掣時吐涎食頃乃醒身熱脈浮在表者陽癇屬六腑易治身冷脈沉在裏者陰癇屬五藏難治其實痰火與驚而已癲狂亦由于此

辰砂光明者 乳香光瑩者 棗仁五錢 温酒調下恣飲沈醉聽

睡一二日勿動萬一驚寤不可復治

此手少陰藥也辰砂鎮心瀉心火乳香入心散痰血棗仁補肝胆而寧心

本方加入參一兩蜜丸彈丸大名寧志膏本每服一丸薄荷

湯下治同

白金丸 治癲狂失心 癲多喜笑尚知畏懼症屬不足狂多怒怒人不能制症屬有餘此病多因驚憂

醫方集解

痰

卷下

辰砂散

白金丸

痰血迷

痰血塞于心竅所致難經云諸陽為狂諸陰為癲○喜屬心怒屬肝二經皆火有餘之地也

白礬三兩 鬱金七兩 薄荷糊丸

此手少陰藥也白礬酸鹹能軟頑痰鬱金苦辛能去惡血痰血去則心竅開而疾已矣

風痰

青州白丸子 治風痰湧盛嘔吐涎沫口眼喎邪手足癱瘓小

兒驚風 皆風痰準 及痰盛泄瀉 肥人滑泄多屬之痰麻滑塞經絡

白附子生用 南星生用 半夏水浸生衣 川烏去皮臍生 為末

絹袋盛之水擺出粉末盡再搗再擺以盡為度貯磁盆日暴夜露春五日夏三秋七冬十日晒乾糯米糊丸如菜豆大每

風痰

服二十丸薑湯下癱瘓酒下驚風薄荷湯下三五丸

此足厥陰太陰藥也痰之生也由風由寒由濕故用半夏南星之辛溫以燥濕散寒川烏白附之辛熱以溫經逐風浸而

暴之者殺其毒也 喻嘉言曰此治風痰之上藥也然熱痰迷竅者非所宜施

星香散 治中風痰盛體肥不渴者

瞻星八錢 木香二錢 為末服或加全蝎

此足厥陰藥也南星燥痰之品製以牛膽以殺其毒且膽有

益肝膽之功 肝胆之經屬風木 佐以木香取其行氣以利痰也 木香能疎

肝氣和 脾氣和 肥而不渴宜燥可知加全蝎者以散肝風也 中風體虛有痰

者宜四君子或六君子湯調下此散

劫痰截瘧

常山飲局

瘧久不已者用此截之

瘧初起不宜禁禁則邪氣未盡變生他症發久則可

截之

常山

燒酒炒

草菓

煨

枳榔

知母

貝母

錢一烏梅二箇

薑三

片棗一枚半酒半水煎露一宿日未出時面東空心溫服渣用酒浸煎待瘧將發時先服一方有良薑甘草無枳榔一方

加穿山甲甘草

此足少陽太陰藥也古云無痰不作瘧常山引吐行水祛老

痰積飲枳榔下氣破積能消食行痰陰陽不和則瘧作

陽勝則熱

陰勝則寒知母滋陰能治陽明獨勝之火草菓辛熱能治太陰獨

勝之寒貝母清火散結瀉熱除痰烏梅酸斂瀼收生津退熱

斂陰故退熱

合為截瘧之劑也

趙以德曰常究本草知母草菓常山甘草烏梅枳榔穿山甲皆云治

蜀漆常山苗也日發為陽分夜

瘧集以成方者為知母性寒入足陽明治獨勝之熱使退就太陰草菓溫燥治足太陰獨勝之寒使退就陽明二經和則無陰陽交錯之變是為君藥常山主寒熱瘧吐胸中痰結是為臣藥甘草和諸藥烏梅去痰枳榔除痰癖破滯氣是為佐藥穿山甲穴山而居遇水而入則是出入陰陽貫穿經絡于榮分以破暑結之邪為使藥也惟脾胃有鬱痰者用之收斂李士材曰常山生用多用則吐與甘草同用亦必吐若酒浸炒透但用錢許每見奇功未見其或吐也世人泥于老人久病忌服之說使良藥見疑沈疴難起抑何愚耶李時珍曰常山蜀漆劫痰截瘧須在發散表邪及提出陽分之後用之得宜得甘草則吐得大黃則利得烏梅穿山甲則入肝得小麥竹葉則入心得秫米麻黃則入肺得龍骨附子則入腎得草

發為陰
分
瘧

菓核榔則入脾益無痰不作瘧
一物之功亦在驅逐痰水而已

截瘧七寶飲

易簡

治實瘧久發不止寸口脉弦滑浮大者

脉弦

風滑為痰浮為在表大為陽若脉沉澹微細者禁用

寒瘧風瘧溫瘧暑瘧濕瘧痰瘧食瘧瘴瘧鬼瘧之別

不問鬼瘧食瘧並皆治之
瘧有經
瘧藏瘧

常山

酒炒

草菓

煨

檳榔

青皮

厚朴

陳皮

甘草

等分

用酒水各一鍾煎熟絲綿蓋之露一宿于當發之早面東溫

服瘧正發時不可服藥經日工不能治其已發
為其氣逆也若正發而服藥反能助寒助熱

此足少陽太陰藥也常山能吐老痰積飲檳榔能下食積痰

結草菓能消太陰膏梁之痰陳皮利氣厚朴平胃青皮伐肝

瘧為
肝邪

皆為溫散行痰之品加甘草入胃佐常山以吐瘧痰也

玉機微義日上方乃溫脾燥烈之藥蓋作脾寒治也用之亦
効者值病人陰陽相并脾氣鬱結濁液凝痰閉塞中脘因得
燥熱亦以暫開所以氣通而疾止若中氣虛弱內有鬱火之
人復用燥熱愈劫愈虛咎將誰執楊仁齋曰瘧有水有血惟
水飲所以作寒熱惟痰血所以增寒熱常山能逐水固也若
是血症當加五靈脂桃仁為佐入生薑蜜同煎苟無行血之
品何以收十全之功耶保命集云瘧夜發者乃邪氣深遠而
入血分為陰經有邪宜加桃仁于桂麻湯中發散血中之風
寒按瘧晝發屬
氣夜發屬血

醫方集解卷下之三

消導之劑

消者散其積也導者行其氣也脾虛不運則氣不流行氣不流行則停滯而為積或作瀉痢或成癥痞以致飲食減少五藏無所資稟血氣且以虛衰因致危困者多矣故必消而導之輕則用和解之常劑重必假峻下之湯丸益濁陰不降則清陽不升容垢不除則真元不復如戡定禍亂然後可以致太平也峻劑見攻裏門茲集緩攻乎治消補兼施者為消導之劑

利濕散

平胃散

局

治脾有停濕痰飲痞隔宿食不消滿悶嘔瀉及山

嵐瘴霧不服水土

土濕太過木邪乘所不勝而侮之脾虛不能健運故有痰食留滯中焦致生痞滿諸

症胃寒則嘔濕盛則瀉嵐瘴水土之病亦由胃虛故感之也

蒼朮

二錢 泔浸

厚朴

薑炒

陳皮

去白

甘草

錢一

加薑棗煎傷食加神

麩麥芽或枳實濕勝加五苓痰多加半夏脾倦不思食加參
耆痞悶加枳殼木香大便秘加大黃芒硝小便赤澀加苓瀉
傷寒頭痛加葱豉取微汗

此足太陰陽明藥也蒼朮辛烈燥濕而強脾厚朴苦溫除濕

而散滿苦降能瀉實滿陳皮辛溫利氣而行痰甘草中州主

藥能補能和蜜炙為使泄中有補務令濕土底于和平也

本方加藿香半夏名藿香平胃散又名不換金正氣散局治

胃寒腹痛嘔吐及瘴疫濕瘧再加入參茯苓草菓生薑烏梅

名人參養胃湯治外感風寒內傷生冷夾食停痰嵐瘴瘟疫

或飲食傷脾發為^{老瘧}瘧也本方合二陳加藿香名除濕湯

治傷濕腹痛身重足軟大便溏瀉本方加藁朮枳殼桔梗名

和解散局治四時傷寒頭痛煩躁自汗咳嗽吐利本方一兩

加桑白皮一兩名對金飲子治脾胃受濕腹脹身重飲食不

進肢痠膚腫本方除蒼朮加木香草薢乾薑茯苓名厚朴溫

中湯治脾胃虛寒心腹脹滿及秋冬客寒犯胃時作疼痛散以

辛熱佐以苦甘參以甘淡氣溫胃和痛自止矣本方加麥芽炒麩名加味平胃散治

宿食不消吞酸噯臭

枳朮丸潔消痞除痰健脾進食消痞除痰消也

醫方集解消 枳朮丸健脾進食補也

健脾消食

白朮 二兩 土蒸 枳實 一兩 麩炒

為末荷葉包陳米飯煨乾為丸痞悶

加陳皮氣滯加木香傷食加麥芽神麩

此足太陰陽明藥也李東垣曰白朮甘溫補脾胃之元氣其苦味除胃中濕熱利腰臍間血過于枳實剋化之藥一倍枳實苦寒泄胃中痞悶化胃中所傷是先補其虛而後化其傷則不峻矣荷葉中空色青形仰象震在入為少陽胆生化之根蒂也飲食入胃管氣上行即少陽甲胆之氣也胃氣元氣穀氣甲胆上升之氣一也食藥感此氣化胃氣何由不上升乎燒飯與白朮協力滋養穀氣補令胃厚不至再傷其利廣

矣 王安道曰勞倦飲食雖俱為內傷然勞倦傷誠不足矣飲食傷又當于不足之中分其有餘夫飢餓不飲食者胃氣空虛此為不足而傷也飲食自倍腸胃乃傷者此不足之中兼有餘而傷也惟其不足故補益惟其有餘故消導亦有物滯氣傷消補兼行者亦有物滯氣不傷但須消導者亦有不須消導但須補益者枳朮丸之類雖曰消導固有補益之意焉若所滯之物非枳朮丸之力所能去者備急丸黃丸瓜蒂散等潔古東垣亦未嘗委之而勿用也

本方作湯名枳朮湯 金匱 治水飲心下堅大如盤邊如旋盤 心下

上焦陽分也 屬氣分之水 本方加半夏一兩名半夏枳朮丸治脾濕停痰

及傷冷食淋者加澤瀉一兩本方加橘皮一兩名橘皮枳朮

丸治飲食不消氣滯痞悶本方加陳皮半夏名橘半枳朮丸

健脾消痞化痰本方加木香一兩名木香枳朮丸治氣滯痞

醫方集解 消 枳朮丸

滿木香平肝行氣 再加砂仁名香砂枳木丸破滯氣消飲食

強脾胃如加乾薑伍錢名木香乾薑枳木丸兼治氣寒 再加

人參陳皮名木香人參乾薑枳木丸開胃進食 本方加神麴

麥芽各一兩名麴藥枳木丸治內傷飲食或泄瀉 本方加酒

炒黃連黃芩大黃炒神麴橘紅各一兩名三黃枳木丸治傷

肉食濕麵辛熱味厚之物填塞悶亂不快本方加茯苓五錢

乾薑七錢名消飲丸治停飲胸滿嘔逆

傷食傷飲

保和丸 治食積飲停腹痛泄瀉痞滿吐酸積滯惡食食瘧下

痢傷于飲食脾不運化滯于腸胃故有泄痢食瘧等症傷而未甚不欲改以厲劑惟以平和之品消而化之故曰保和

李東垣曰傷飲者無形之氣也宜發汗利小便以導其濕傷食者有形之物也輕則消化或損其穀重則方可吐下脈經云大腸有宿食寒慄發熱有時如瘧輕則消導重則下之當求之傷食門

山查三兩去核或二核亦有 神麴炒 茯苓 半夏一兩 陳皮 萊菔子微炒

連翹五錢 麴糊丸麥芽湯下或加麥芽入藥亦可

此足太陰陽明藥也山查酸溫收縮之性能消油膩腥羶之

食收縮故 神麴辛溫蒸晉之物晉遇合切 能消酒食陳腐之積

子辛甘下氣而制麴麥芽鹹溫消穀而軟堅堅積 傷食必兼

乎濕茯苓補脾而滲濕積久必鬱為熱連翹散結而清熱半

夏能潤能燥和胃而健脾陳皮能降能升調中而理氣此丹

傷而氣未病者但當消導不須補益大安丸加白朮則消積兼施也

本方加白朮白芍去半夏服子連翹蒸餅糊丸名小保和丸助脾進食本方加白朮二兩名大安丸或加入參治飲食不消氣虛邪微本方加白朮香附黃芩黃連厚朴枳實治積聚痞塊本方合越鞠丸扶脾開鬱

脾虛氣弱

健脾丸 治脾虛氣弱飲食不消

人參 白朮土炒 陳皮 麥芽炒 山查去核 枳實三兩 神麩糊丸米飲下

此足太陰陽明藥也脾胃者倉廩之官胃虛則不能容受故不嗜食脾虛則不能運化故有積滯所以然者由氣虛也參朮補氣陳皮利氣氣運則脾健而胃強矣山查消肉食麥芽消穀食戊巳不足胃為戊土脾為巳土故以二藥助之使化枳實力猛能消積化痞佐以參朮則為功更捷而又不致傷氣也夫脾胃受傷則須補益飲食難化則宜消導合斯二者所以健脾也

本方去山查麥芽加茯苓炙甘草名益氣健脾丸治脾虛食少本方去山查麥芽陳皮加當歸芍藥芎藭麥冬柏子仁名

養榮健脾丸治脾陰不足飲食不為肌膚血充然本方去人

參枳實麥芽加香附木香半夏茯苓神麴黃連當歸芍藥後肉長方

無芍藥 荷葉燒飯丸名理氣健脾丸治脾胃虛弱久瀉久痢本

方去人參山查麥芽加神麴川芎香附麴糊丸名舒鬱健脾

丸治脾氣鬱滯飲食不消本方去山查麥芽加半夏胆星蛤

粉茯苓神麴糊丸名化痰健脾丸治內傷挾痰本方去人參

山查麥芽加半夏山梔黃連水丸名清火健脾丸治脾虛有

火本方去人參山查麥芽加水香檳榔厚朴半夏甘草名和

中健脾丸治胃虛饒不欲食再加入參名妙應丸治胃虛不

能食藏府或結或泄本方去山查加半夏青皮木香砂仁草

薏乾薑炙甘草茯苓猪苓澤瀉蒸餅丸名寬中進食丸東補

脾胃進飲食

枳實消痞丸東垣治心下虛痞惡食懶倦右關脉弦脾虛不運

食脾主四肢虛故懶倦右關属脾脉弦者脾虛而木來侮之

也○經曰太陰所至為積飲痞隔皆陰勝陽也受病之藏心

與脾也因而鬱塞為痞者火與濕也蓋心陽火也主血脾陰

土也主濕凡傷其陽則火佛鬱而血凝傷其陰則土壅塞而

濕聚陰陽之分施治之法不可同也

枳實麩炒黃連薑汁炒厚朴薑炒半夏麩炒麥芽炒人參白

木土炒茯苓三錢甘草炙乾薑二錢蒸餅糊丸

痞滿

此足太陰陽明藥也。枳實苦酸行氣破血。脾無積血，心下不痞。黃連

寒瀉熱開鬱並消痞之君藥。厚朴苦降散濕滿而化食厚腸。

麥芽鹹溫助胃氣而軟堅破結。半夏燥痰濕而和胃。乾薑去

惡血而通關。開五藏六府，通四肢關節。皆所以散而瀉之也。參朮苓草甘

溫補脾使氣足脾運而痞自化。既以助散瀉之力，又以固本

使不傷真氣也。玉機微義曰：此半夏瀉心湯加減法也。內有枳朮四君平胃等藥，利濕消痞補虛之劑也。

痞氣丸 東垣 治脾積在于胃脘大如盤久不愈令人四肢不收

或發黃疸飲食不為肌膚。金匱云：堅而不移者，名積，為藏病。推移不定者，名聚，為府病。按痞病

由陰伏陽蓄氣血不運而成。處心下位，中央填塞痞滿，皆土病也。與脹滿有輕重之分。痞惟內覺滿悶，脹滿則外有脹急。

脾積

之形也。前人皆指誤下所致，蓋傷寒之病由于誤下，則裏氣虛表邪乘虛入于心下。若雜病亦有中氣虛衰不能運化，精微而成痞者。有飲食痰積不能施化而成痞者。有濕熱太甚上來心下而成痞者。古方用黃連黃芩枳實之苦以泄之，厚朴半夏生薑之辛以散之。人參白朮之甘苦溫以補之，茯苓澤瀉之淡以滲之。惟宜上下分消，其氣果有存實之症，庶可畧施疎導。世人苦于痞塞，喜用利藥，暫時通快，藥過滋甚，皆不察夫下多凶陰之意也。

黃連 八錢 厚朴 五錢 吳茱萸 三錢 白朮 土炒 黃芩 二錢 茵陳 酒炒 乾薑 炮 砂

仁 錢半 人參 茯苓 澤瀉 一錢 川烏 炮 川椒 炒 桂 巴豆霜

四 蜜丸燈草湯下

此足太陰陽明藥也。黃連瀉熱燥濕治痞君藥。仲景治痞滿諸瀉心湯皆用厚朴砂仁行氣而散滿，茵陳苓瀉利水以實脾，黃芩清肺

而養陰椒黃燥脾而逐冷薑桂川烏補命火以生脾土而薑
桂又能去瘀生新痞多血病黃連巴豆能消有形積滯為斬

關奪門之將藉之以為先驅加參朮者以補脾元正氣正旺

然後可以祛邪也潔古曰養正積自除李東垣曰痞滿皆血

症也下多凶陰謂脾胃木穀之陰凶也心
主血心虛而邪陷于血之分故致心下痞宜理脾胃以血藥
治之若全用氣藥則痞益甚而復下之氣愈下降必變為中
滿鼓脹矣世有用氣藥治痞
而不効者蓋未明此理也

本方除吳茱萸白朮茯苓澤瀉茵陳川椒砂仁加菖蒲茯苓神

丹參紅豆名狀梁丸治心積起臍上至心下大如臂令人煩

心本方除吳茱萸砂仁桂朮黃芩澤瀉加柴胡莪朮皂角昆布

甘草名肥氣丸治肝積在左脇下有頭足令人發咳痰瘧不

已本方除吳茱萸白朮砂仁黃芩茵陳澤瀉加紫苑桔梗天冬

白蔻陳皮青皮三稜名息賁丸淡薑湯下治肺積在右脇下

令人洒淅寒熱喘咳發肺癰秋冬黃連減半本方除吳茱萸白

朮砂仁人參乾薑川椒黃芩茵陳加菖蒲丁香附子苦棟延

胡索獨活全蝎名賁豚丸淡鹽湯下治腎積發于小腹上至

心下若豚狀上下無時令人喘咳骨痿及男子七疝女子瘕

聚帶下此東垣五積方也雖有破滯削堅之藥多藉人參之
力贊助成功經曰大積大聚其可犯也衰其大半而
止過者死吳鶴臯曰五積丸非東
垣之方也故醫方考中皆不錄

酒積

葛花解醒湯 專治酒積或嘔吐或泄瀉痞塞頭痛小便不利

酒大熱有毒又水之所釀成故熱而兼濕濕熱積于腸胃故見諸症

葛花 豆蔻 砂仁一錢 木香一分 青皮 陳皮 人參 白朮

炒 茯苓四分 神麴炒 乾薑 猪苓 澤瀉三分

此手足陽明藥也過飲無度濕熱之毒積于腸胃葛花獨入陽明令濕熱從肌肉而解豆蔻砂仁皆辛散解酒故以為君神麴解酒而化食木香乾薑調氣而溫中青皮陳皮除痰而疏滯二苓澤瀉能驅濕熱從小便出乃內外分消之劑飲多則中氣傷故又加參朮以補其氣也

人參補氣最能解酒李東垣曰酒大熱有毒無

瘧母

瘧甲飲嚴代

治瘧久不愈腹中結塊名曰瘧母

瘧久不愈為瘧瘧多成癖于左

形之物也傷之只當發汗次利小便上下分消其濕氣今人或用酒癥丸大熱之藥下之或用大黃牽牛下之是無形元氣受傷反損有形陰血陰血愈虛陽毒大旺元氣消亡而虛損之病成矣或曰葛花解酒而發散不如枳椇枳椇一名鷄距一名木蜜經霜黃赤而味甘其葉入酒酒化為水門外植此水者屋內釀酒多不佳

脇之下名曰瘧母乃肝之積也瘧屬少陽胆經胆與肝相表裏久瘧屬在血分血亦肝所主也當以瘧甲為君隨症虛實而施佐使之藥

瘧甲醋炙 白朮土炒 黃耆 芎藭 白芍酒炒 檳榔 草菓麴煨 厚朴

陳皮 甘草 等分薑三片棗一枚烏梅少許煎

此足少陽厥陰太陰藥也久瘧必由脾虛白朮補脾氣黃耆

補肺氣使氣足脾運方能磨積也川芎補肝而行血中氣體
 芍藥助脾而散肝經火邪二藥並和厥陰榮氣榮血調則陰
 陽和矣陰陽爭故發寒發熱枳榔下氣而攻積草菓煖胃而祛寒厚朴
 破血而散滿陳皮理氣而消痰甘草和中而補土鱉甲鹹平
 屬陰色青入肝能益陰補虛消熱散結故為痰瘡之君藥
 也

醫方集解卷下之四

收瀉之劑

滑則氣脫脫則散而不收必得酸澁之藥斂其
 耗散而後發者可返脫者可收也如汗出心陽
 精滑不禁泄痢不止大便不固小便自遺久嗽吐津此氣
 脫也若心血不已崩中暴下諸大吐衄此血脫也十劑日
 瀉可去脫壯蠟龍骨之屬是也氣脫兼以氣藥血脫兼以
 血藥亦兼氣藥氣者血之帥也陽脫者見鬼陰脫者目盲
 此神脫也當補陽助
 陰非瀉劑所能收也

赤石脂禹餘糧湯

仲景

治傷寒服湯藥下利不止心下痞鞭服

瀉心湯已復以他藥下之利不止醫以理中與之利益甚理

中者理中焦此利在下焦赤石脂禹餘糧湯主之下焦主分
別清濁

復利不止者當利其小便利小水所以
實大腸也

赤石脂 禹餘糧 等分杵碎煎

此手陽明藥也。瀉可去脫，重可達下。石脂餘糧之瀉以止脫。

重以固下，甘以益氣。

李先知曰：下焦有病，人難會，須用餘糧赤石脂。

桃花湯

仲景

治少陰病二三日，至四五日，腹痛，小便不利，利

不止，便膿血者。

成氏曰：陽明下利，便膿血者，協熱也。少陰下利，腹脹痛，便膿血者，下焦不約而裏寒也。凡

下利，便膿血，身涼，脈小者，易治。身熱，脈大者，難治。

赤石脂

一斤

乾薑

兩

粳米

一斤

此足少陰藥也。李時珍曰：赤石脂之重，瀉入下焦血分而固脫。乾薑之辛，溫煖下焦氣分而補虛。粳米之甘，溫佐石脂乾

少陰下利

成無已 聊攝人

薑而潤腸胃也。

朱丹溪曰：桃花湯主下焦血虛且寒，非乾薑引入腸胃，準繩曰：便膿血，熱勢下流也。成氏釋為裏寒，非也。

桃花湯雖用乾薑，然分兩最微，石脂粳米居多，以調正氣，瀉滑脫。佐以乾薑用辛，以散之之義。諸便膿血皆傳經之熱邪也。吳鶴皋曰：少陰腎水主禁固，二便為火所灼，尅伐大腸庚金，故下利膿血。石脂寒能勝熱，瀉可收脫。用乾薑者，假其辛熱，以從治。用粳米者，恐石脂性寒損胃也。聊攝之明，而猶昧此。况其下乎？程郊倩曰：此症終是火衰不能生土，未可指為傳經之熱邪也。不知此而漫云滲泄，腎防一徹，前後泄利，而陽神陷矣。昂按：成氏生于千載之後，而能昌明仲景之書，使後學有所循，入其功非小。奈何後起之士，動輒非之。成氏之死，已久安能起而辨其是非乎？如此症成氏以為寒，而王肯堂、吳鶴皋皆以為熱，竊謂便膿血者，固多屬熱，然豈無下焦虛寒，腸胃不固，而亦便膿血者乎？若以此為傳經熱邪，仲景當用寒劑以徹其熱，而反用石脂固瀉之藥，使熱閉于內，而不得泄，豈非關門養盜自貽伊戚也？耶觀仲景之治協熱利，如甘草瀉心、生薑瀉心、白頭翁等湯，皆用芩連黃柏而治下

醫方集解

瀉

卷下

桃花湯

六十一

焦虛寒下利者用赤石脂禹餘糧湯比類以觀斯可見矣此
症乃因虛以見寒非大寒者故不必用熱藥惟用甘辛溫之
劑以鎮固之耳本草言石脂性溫能益氣調中固下未聞寒
能損胃也若準繩則執凡傳經者皆屬熱邪一語遂以為熱
耳程郊倩每以直中為寒邪傳經為熱邪古今相傳二語覺
未盡然不為無見若學未深造而輕議古人多見其不知量
也矣

泄瀉脫肛

訶子散

治虛寒泄瀉米穀不化腸鳴腹痛脫肛及作膿血

日夜無度

御米穀

去蒂蜜炒五分

訶子

煨去核七分

乾薑

炮六分

橘紅

五分

右末空心服

此手足陽明藥也御米穀酸澁微寒固腎瀉腸訶子酸澁苦

瀉痢脫肛

真人養藏湯

治瀉痢日久赤白已盡虛寒脫肛

溫收脫住瀉炮薑辛熱能逐冷補陽陳皮辛溫能升陽調氣
以固氣脫亦可收形脫也
河間訶子散訶子一兩半生半煨木香五錢甘草二錢黃連三錢為末每服
二錢用白朮芍藥湯調下治瀉久腹痛漸已瀉下漸少以此
止之如不止加厚朴一兩竭其餘邪木香黃連香連丸也行氣
清火止痢厚腸甘草芍藥
甘芍湯也甘緩酸收和中止痛加訶子瀉以收脫加白朮補
以強脾厚朴除濕散滿平胃調中故更藉之以去餘邪也
腸受熱受寒皆能脫肛○大腸者傳導之官腎者強作之官
酒色過度則腎虛而泄母氣肺因以虛大腸氣無所主故脫
肛小兒血氣未壯老人血氣已衰皆易脫肛
亦治下痢赤白臍腹疼痛日夜無度

醫方集解

瀉

卷一

訶子散

真人養藏湯

六十三

罌粟殼去蒂蜜炙 訶子麵裏煨一兩二錢 肉豆蔻麵裏煨五錢 木香二兩四錢

肉桂八錢 人參 白朮炒 當歸六錢 白芍炒一兩六錢 生甘草一兩八錢

每服四錢藏寒甚加附子一方無當歸

此手足陽明藥也脫肛由于虛寒故用參朮甘草以補其虛

肉桂肉蔻以祛其寒木香溫以調氣當歸潤以和血芍藥酸

以收斂訶子罌殼則澇以止脫也此虛寒脫肛之劑宜大補元氣或加芎歸調血及升

柴以升提之又右氣熱血熱而肛反挺出者宜用芎連槐柏或四物加升麻柴胡秦艽防風之類

附丹溪脫肛方人參黃耆當歸川芎升麻此治氣血兩虛而脫肛者

當歸六黃湯 治陰虛有火盜汗發熱心之所藏在內者為血發于外者為汗汗乃心

盜汗

之液也五藏六府表裏之陽皆心主之以行其變化隨其陽氣所在之處而生津亦隨其火擾所在之處泄而為汗是汗盡由心出也醒而出汗曰自汗屬陽虛睡而出汗曰盜汗屬陰虛汗者心之陽寢者腎之陰陰虛睡熱衛外之陽乘虛陷入陰中表液失其固衛故澇澇然汗出覺則陽氣復而汗止矣因熱邪乘陰虛而出者汗必熱因寒邪乘陽虛而出者汗必冷有火者謂有面赤口乾唇燥便赤音重脈數諸症○凡傷風傷濕中暑風溫柔瘧氣虛血虛脾虛胃虛以陽痿飲驚怖勞役房室癱瘍產後等症皆能令人出汗經又云飲食飽甚汗出于胃驚而奪精汗出于心持重遠行汗出于腎疾走恐懼汗出于肝搖體勞苦汗出于脾凡頭汗左額屬肝右額屬肺鼻屬脾頤屬腎額屬心津液自胃府旁達于外為手足汗有胃熱胃寒二症自汗亦有屬實者故外感初症多自汗

當歸 生地黃 熟地黃 黃芩 黃柏 黃連等黃耆加倍

此手足少陰藥也盜汗由于陰虛當歸二地所以滋陰

火擾黃芩柏連所以瀉火

濕無熱不作汗，濕得熱蒸，則令入汗出。

汗由腠理入

固倍用黃耆所以固表

李時珍曰：當歸六黃湯加麻黃根治盜汗，甚捷。蓋其性能行周身肌表，引諸藥至衛分而固腠理也。按此盜汗與傷寒盜汗不同，傷寒盜汗邪在半表半裏，故以和表為主。古法小柴胡加桂，主之此屬陰虛，故以補陰為主。李士材曰：陰虛則元氣有降而無升，而復用此苦寒肅殺之劑，得毋犯虛虛之戒乎？惟火實氣強者宜之，不然苦寒損胃，禍彌深耳。○準繩曰：陰虛陽必痿，故發熱自汗，當歸六黃湯加地骨皮、陽虛陰必乘，故發厥自汗。黃耆建中湯甚者加附子，或者附湯有濕熱合邪，汗出不休，以風藥勝其濕，甘藥泄其熱，羌活勝濕湯有痰症冷汗，自出，宜理氣降痰去，則汗自止。有用固澁藥，汗愈不收，止可理心血，汗乃心之液，心失所養不能攝血，故益而為汗，宜大補黃耆湯加酸棗仁，有微熱者更加石斛，下靈砂丹。王海藏曰：晉郎中童子盜汗，七年諸藥不効，予與涼膈散三黃丸三日，病已。蓋腎主五液，化為五濕，腎水上行，乘心之虛，心火上炎而入肺，欺其不勝，皮毛以是而開，為汗出也。先以涼膈散

瀉胸中相火，次以三黃丸瀉心火，以助陰則腎水還本，藏玄府閉而汗自已矣。

玄府汗孔也

汗陽虛自

汗陰虛盜

附撲汗法白朮藁本川芎各二錢半米粉兩半為末絹袋盛週身撲之治汗出不止又方龍骨牡蠣糯米等分為末撲之

牡蠣散治陽虛自汗

牡蠣煨研黃耆一錢麻黃根百粒浮小麥百粒煎服

此手太陰少陰藥也陳來章曰汗為心之液心有火則汗不止牡蠣浮小麥之鹹涼去煩熱而止汗陽為陰之衛陽氣虛則衛不固黃耆麻黃根之甘溫走肌表而固衛

柏子仁丸治陰虛盜汗

醫方集解

瀉

後

牡蠣散

柏子仁丸

〇六十五

柏子仁炒研去油二兩 人參 白朮 半夏 五味子 牡蠣 鹿

黃根一兩 麥麩五錢 棗肉丸米飲下五十九丸日三服

此手足太陰少陰藥也陳來章曰心血虛則睡而汗出柏子

仁之甘辛平養心寧神為君牡蠣麥麩之鹹涼靜躁收脫為

臣五味酸欬潛收半夏和胃燥濕為佐濕能作汗 麻黃根能走肌

表引入參白朮以固衛氣為使

遺精白濁
茯苓丹 治遺精白濁及強中消渴心腎為水火之藏法天

火動火動不已則腎水受傷腎主藏精所受五藏六府輸至

之精皆不得藏而時下矣故為遺精夢泄戴氏曰遺精有因

用心過度心不攝腎以致失精者有思色慾不遂致精失位

輸泄而出者有色慾太過滑泄不禁者亦有年壯氣盛久無

色欲精滿而泄者赤濁屬血由心小腸屬火也白濁屬氣由

肺大腸屬金也又曰赤濁為心虛有熱因思慮而得白濁由

腎虛有寒由嗜慾而得渴症下

消者名強中腎水虧心火亢也

菟絲子十五兩 五味子八兩 石蓮肉 白茯苓三兩 山藥六兩 將菟絲

用酒浸浸過餘酒煮山藥糊為丸漏精鹽湯下赤濁燈心湯

下白濁茯苓湯下消渴米飲下

此手足少陰藥也菟絲辛甘和平強陰益陽能治精寒淋渴

五味滋腎生津石蓮清心止濁山藥健脾利濕皆滋精固氣

之品也茯苓能通心氣于腎利小便而不走氣取其淡滲于

補正中能泄腎邪也

赤白濁

治濁固本丸

治胃中濕熱滲入膀胱下濁不止

淋病在溺竅屬肝胆部濁

病在精竅屬腎膀胱部或由濕熱或由虛寒太抵熱者多而寒者少赤屬血白屬氣或由敗精瘀血壅塞竅道痛澁異常非是熱淋不宜用淋藥治

蓮鬚

黃連

益智仁

砂仁

半夏

茯苓

猪苓

甘草

炙三兩

此足少陰太陽太陰藥也精濁多由濕熱與痰黃連瀉心火黃柏瀉腎火所以清熱二苓所以利濕半夏所以除痰濕熱多由于鬱滯砂仁益智辛溫利氣又能固腎強脾既以散留滯之氣且稍濟連柏之寒甘草和中而補土惟蓮鬚之瀉則

所以固其脫也

朱丹溪曰巢氏原病候論曰白濁者由勞傷腎氣虛冷故也歷代宗其說不惟白濁之

精濁

水陸二仙丹

治遺精白濁

精與濁所出之竅不同便濁即是膏淋肝胆之火也精濁乃精氣滑

醫方集解

瀉

卷下

治濁固本丸 水陸二仙丹

六十一

出小便亦然此腎水不足
淫火薰蒸故精離其位也

金櫻膏

取半黃者熬膏一斤
熟則全甘而失滋味

和丸鹽酒下

此足少陰藥也金櫻芡實甘能益精潤能滋陰澆能止脫

生于水一生于山故名水陸二仙丹

金鎖固精丸

治精滑不禁

精滑者火炎上而水
趨下心腎不交也

沙苑蒺藜

炒 芡實

蒸 蓮鬚

二 龍骨

酥 牡蠣

鹽水煮一日
夜煨粉一兩

蓮

子粉為糊丸鹽湯下

此足少陰藥也蒺藜補腎益精蓮子交通心腎牡蠣清熱補
水芡實固腎補脾合之蓮鬚龍骨皆潛精秘氣之品以止滑

滑精

藏毒久
痢

脫也

治遺精大法有五心神淫
之痰飲迷心者猪苓丸之類

有辰砂磁石龍骨之類鎮
導之思想傷陰者潔古珍

珠粉丸黃柏蛤粉等分滋陰降火思想傷陽者謙甫鹿茸菴
蓉菟絲等補陽陰陽俱虛者丹溪作心虛治用珍珠粉丸定
志丸補之附本事猪苓丸猪苓末二兩先將一半炒半夏令
黃取半夏為末糊丸更用猪苓末一半同炒微裂砂餽養之
申未間空心酒鹽湯任下釋曰半夏有利性猪苓
導水益腎開導氣使通之意也定志丸見目門

人參樗皮散

治藏毒挾熱下血久痢膿血不止

挾熱者謂挾
各熱及飲酒

煎炙之熱也久
痢不止氣虛也

人參

樗根白皮

東引者去
粗皮醋炙

等分為末米飲或酒調下

此手足陽明藥也人參之甘以補其氣樗皮之苦以燥其濕
寒以解其熱澆以收其脫使虛者補而陷者升亦劫劑也

便數

勿用

桑螵蛸散冠氏

治小便數而欠

數便頻也欠便短也溺雖出于膀胱然泌別者小腸也小腸虛

則便數小腸熱則便短

能安神魂補心氣療健忘

人參

茯苓

一用茯苓神

遠志

石菖蒲

鹽炒

桑螵蛸

鹽水炒

龍骨

煨龜

板

酥炙一方用鱉甲醋炙

當歸

等分為末臨臥服二錢人參湯下

此足少陰手足太陽藥也虛則便數故以螵蛸龍骨固之螵蛸

補腎龍骨滋精

熱則便欠故以當歸龜板滋之人參補心氣菖蒲開

心竅茯苓能通心氣于腎遠志能通腎氣于心並能清心解

熱心者小腸之合也心補則小腸不虛心清則小腸不熱矣

